

中華民國
新修豐順縣志
第一冊

2213301181

42

ep:will

民國三十二年季夏三月



中華民國
新修 豐順縣志

劉禹輪題

中國農民銀行總行藏
經濟研究部藏

序一

志乘之書由來舊矣周禮春官小史掌邦國之志說者以爲卽後世郡國志鄉土志之所自昉自唐宋以來省府州縣莫不有志雖詳略不齊馴駁或異要其爲地方文獻之所繫足以明興廢攷得失昭法鑒示來茲則一也豐順之爲縣前於今二百有四年而其有志則距設治後才八載耳草創之初無可因襲體裁攷核容有擇之未精語焉弗詳者然而董其事者之急於當務垂範奕代厥功亦偉矣哉日茲以後續修於光緒十年釐定舊譜填補殘缺徵引鉤稽漸臻明備駸駸乎可與同州各邑所志相頡頏而無愧色劉彥和所謂六義附庸蔚成大國者也顧歲月易得自甲申泊今又忽忽易五十八寒暑矣其間轉移沿革時異勢殊况自民國肇建百度維新不獨城池有變置戶口有增益教育有改良人材有新進舉凡一切典禮制度莫不日趨修明迴別時昔自應亟加續纂得繼往開來相傳靡替此固創始者之所預期而亦有司之重責也民國二十八年劉君禹輪來長斯邑人相政舉三年有成乃於百廢漸興之際毅然引續輯舊志爲己任于是禮聘耆聞之士從事修纂閱年餘而纂成爲慎重計復一再博訪屬咨期于盡善將付剞劂郵請一言以弁其端予督政五區行將一稔對於德文攷歎易俗移風之舉未嘗不殷殷爲之倡導如劉君之明識治體知所先後洵有足多者聞嘗思之古人以三十年爲一世誠以氣化之盛衰人事之得失滄桑之變易在三十年間常燿然如草木之區別故予以爲各縣志乘宜三十年一續修之蓋頻頻操觚補綴將不勝其煩抑亦鈔所增益若閱時久遠又慮事迹湮沒採訪難周惟以是爲標程間繼起云爾

中華民國三十年八月中山李郁焜序

豐順縣志

卷首 序

吾國曩者地方行政區域省以下有府州縣等言其大較省有省誌府有府誌縣有縣誌其內容往往缺少歷史性縱面紀述地理橫面紀述惟於選舉人物博搜詳載不厭煩繁甚至災異軼事記敘亦刺刺不休然能精確傳爲實錄信史適切實用者卒不多見焉余思方輿之作由今言之不徒在抒懷舊之蓄念發潛德之幽光其主旨要在認識時代對民生及社會作總括整個敘述回顧過去紀錄現在策進將來以求地方之進步也漢大史公作史記所謂述往事思來者其意蓋如斯夫修志等於修史顧時勢變易如拘泥古之體例宜同夏鼎商彝亦何裨於實用豐順開縣始於清乾隆年間爾時一切制作建置悉出創舉有縣令葛公子者始編立縣誌惟輪啓大格此其權輿厥後踵事增華續有所修輯迄光緒十年止今所傳豐順縣誌是也然此舊志存書已極少矣光緒到現在又閱五十八年其間民國肇興舉一邑黨務經濟政治文化交通皆缺然無所記載人多引以爲憾焉孔子有言殷禮吾能言之宋不足徵也文獻不足故也荀卿亦有節族久而滅之嘆夫時間演進萬類隨而變遷人生於其間有如風虎雲龍樊然欲燦其跡使一邑之大五十餘年之久無文獻可徵一日社會變遷人事動態歸於幻化湮滅豈不令山中猿鶴笑人哉禹輪來治豐順已閱三年有餘適屆推行新縣制之時新縣制我中樞政府認爲是促成抗建大業之利器禹輪奉行以來對各部門之實施每有所籌劃期一新政有關策進人民幸福者皆有記載存實之必要故使豐順縣新志不立即無以應時勢之要求備羣倫之檢討促地方之進步適聞李紳介丞豐順志材拾遺之作因勸其改纂縣志並聘其爲總纂僅一寒暑成書十二冊隨聘吳君桂芳王君壽堉譚君愚生吳君實生李君伯亭王君紹生等爲總審查在縣開會審查經旬竣事余喜李紳編纂之勤勤及各審查員之尙能盡職以勸成此事也遂樂爲之序

中華民國三十一年秋豐順縣縣長劉禹輪序

豐順縣志

卷首 序

序三

縣志者一邑文獻所繫國史地志之所取材政治軍事之所參稽尤邑人士所觀摩借鑑資以激發其志氣而促進社會文化者也豐邑雖僻介萬山中固屬國家行政之一單位自開縣迄今歷二百餘年境內民物風俗文化交通其循環進化之迹今昔迴殊而山川人物勝蹟之散見於載籍者不勝枚舉若貴人村陳大將軍政湯田吳少師六奇皆數世以武功顯又如羅僉都葛傑之氣節吳宮保萬雄之忠貞吳軍門廷植之殉國丁制軍日昌之文治與夫黃守勳之理學羅紅之高蹈柯化鵬譚益盛之循良何仕家吳啓晉丁惠康之文學或義彰民族或功在國家或則治蠹召杜冠冕儒林皆彪炳史乘豈惟揭嶺之勝銅鼓之高瘦牛網羅之篇什仲坑霜山遍嶺之故實爲一邑之文獻者千秋之汗簡者哉顧葛許兩舊志皆語焉不詳或闕而不載前修之烈光潛德足資後進楷模而繼軌者皆闕汝弗彰而山川形勢物產民風政教文化勝蹟交通諸舉舉大端尤爲邑人摩挲研究之資亦多畧而未舉余於清季任統計調查周歷全縣近廟廣東通志館潮陽徵訪專員博訪旁搜見聞所及返觀邑乘每引以爲憾嘗念改編者久矣因有感於章氏文史通義所云郡邑志乘每隔三四十一年便宜續修一次久則故老淪亡書牘有間誰能口傳其事者去秋閒居家園用是發願纂述茲有留其稿以待後之興修邑志者有所取資或裁篇印行藉補舊志之闕差免當時昭昭過後泯泯原非以修志自居也詎草創未半劉縣長禹翰以邑志久未續修舊志存者亦實促余速成爲志縣府當盡量供給材料允爲籌款印刷竟以總編纂名義見託并按月酌津貼紙筆費百元左右以劉縣長關心邑志彌用急就中經八閱月始脫稿復加整理手鈔又閱四月始終皆獨力負之自維衰朽健忘一人之見聞究有所限因未設局增聘採訪而所列表行查事項迭請縣府轉發各鄉公所而填復者又什無一二以致原定氏族一門無從編成乃將全稿交縣府山劉縣長召集邑屬人士開會審查冀集衆智之所長以補獨裁之所短庶幾有以共証而自信焉夫史家義例皆隨時而制宜非同條而共貫者也故焉遷傳貨殖游俠詩宗傳獨行歐公創雜傳皆由風會所趨而創新體蓋非是無以記其詳而見其確也民國肇造百度革新政制輻輳多爲前代所無若循舊志體例續修未免削足適履故因事立例撥故納新凡舊志所載應存事實則大細不捐其錯漏者則攷訂補正沿革務詳其始末去取悉準諸義例分類十一子目七十一共編二十六卷彙成十二冊付之剞劂世變滄桑文絕續歟一髮是繫抱遺訂謬義不敢辭夫豈好事者哉竊願達者共証之

中華民國三十年六月邑人李 唐介丞甫序於黃花村之卷園

豐順縣志

卷首 序

二

汕頭縣字局梅縣分局承印

序四

豐順之有志始自乾隆十一年維時新建邑治諸事草創一切紀載均屬粗具模型越百四十餘年許前知縣曾濟始倡續修于光緒十年告成許志步武成規搜遺補闕其于邑乘雖較前志爲詳盡而記載瑣碎取材欠精致貽人以賬部之誚邑人慮焉雖然賬部者所以記已成之事蹟而備後來之觀覽也中國數千年來聖經賢傳記載歷歷姑勿具論次如四史三通以至二十五朝國史各省府州縣之通志雖取舍不同體裁各別論斷或有精蘊之異而究其實何莫非記已成之事蹟而貽諸後人之觀覽乎故執賬部之說以爲謬議縣志之口實蒙無取焉 介承明府李君對於邑乘尤爲關心顧縣志之因漏就簡久而失修也苦心孤詣廣爲搜羅遠則取鄰封各縣志之最完善者以資借鏡近則口求函徵集衆人之小知以成大智覃思深慮歷十餘月之功力手不停揮以成此鉅製適 邑侯劉公禹輪久長斯土善與人同既知李君之超超元箸復以修志爲新縣制當務之急乃召邑人士先後集議成立審查會定期審查付諸剞劂而余與桂芳諸人忝列審查之班竊以天下事綱舉自然目張摘珠自能揀寶本編之成既成于文事進化之今日復出自留心史實之李君同人等舍正誤補遺之外援善善從長之義於人物傳記略有增加藉以激勸從此發揚光大邑之聲名文物與日俱增則豈惟本志之幸同人等亦與有榮施焉同人者吳親翁桂芳吳君寶生譚君愚生李君樹棠王君紹生家兄承騏等是也審查後謹序

中華民國三十一年九月環清王家驥

中華民國
豐順縣志編訂職名

主訂

豐順縣長劉禹輪

編纂

李唐 介承

總審查委員

譚炳堃 愚生

吳祖理 實生

李樹棠 伯亭

吳桂芳 益秋

王韶生

王家騏 魯珊

審查委員

張之瀚 碩承

王家驤 駱

鄭渭川

王家樑 雙村

丁鏡波

吳柏蒼

豐順縣志 卷首 編訂職名

一 汕頭圖書館梅縣分局承印

張健民

王五良 眉夫

張鑑初 張長文代

張道 化民

王乃宣

王兆堅

曾應庸 月亭

張禮亭

黃國賽

劉德陞

李渭溪

鄭春山

朱伯瓊

陳晉階

朱斐然

徵訪員

何鯉行

馮連山

張炳初

鄒仲平

吳芑生

丘炯章

徐影三

柯日青

丁季彬

羅守禮

陳臨芝

豐順縣志

卷首

編訂職名

二

汕頭縣字局梅縣分局承印

凡例

一縣志爲記述一縣人類進化現象之載籍凡人類進化必由簡趨繁舊志纂於建縣之初其事蓋簡故義例亦畧當時實草創之急就章許志僅依舊例賡續成書所載事實未免疎於搜討與取裁本志因事起例新增幾兩倍於舊志所載應存者概不敢遺惟加以攷証刪其無濫合新舊爲一爐而冶庶沿革畢具期歸至當

志內分類普通皆有志攷記畧等名不獨葛許舊志云然李氏方志學謂全書既名爲志分目不應再用新名如雍正深澤縣志光緒順天府志均徂標山川建置田賦等名目而不加志畧記攷等字最爲合理本志仿之分類十一子目增至七十一因時勢演變人事倍增爲詳數計亦史裁應爾

一古者圖書並重互爲表裏本志輿圖一依光緒間英國牧師豐順縣交通圖蔡融所加測繪印開方辨位概用經緯線比舊用星野者爲準確今縮編卷首以舊志所載城署學宮諸圖及最近分區堡壘圖次之庶現狀改變而舊規能存

一豐順建自乾隆三年分拆海陽揭陽嘉應大埔四州縣地而成縣本志因攷史志所載前代疆域輿地郡縣分合詳其沿革編列爲表並所有編纂均起自開縣迄民國三十年爲止

一古稱史記一書功在十表列行縈紆徑寸之間千萬里舉目可詳舊志除職官選舉仕宦立表外於沿革學校無表如孝友耆壽鄉善節孝等概行立傳本志擇其有特別事蹟者乃爲立傳若安常處順行

豐順縣志

卷首

凡例

汕頭縣字局附縣分局承印

事從同概列爲表庶詳而能簡各志亦多此例

一山脉川流原有系統兩山之間大川之上卽城市鄉村所在本志依其系統略仿水經注體記述其地理人文交通大概較舊志僅列舉山川個別名稱者易於明瞭全形

一舊志建置一門先城垣次關隘本志以城已拆毀四郊增築堡壘今昔殊形故首關隘以明險在關壘不在城也惟仍將城垣規制編入又舊制都圖現亦改鄉保今以鄉統保以保統村凡鄉名變更尤多故將舊鄉村名分別註於鄉保之下而舊制都圖分區亦附註焉庶知沿革

一舊制學校與聖廟合廟以示崇尚學以便講修義至深典至鉅也舊志所載廟詳而學略本志兼詳學制自廢科舉設學堂雖同名爲學校然新舊異制因是別立教育一目依現代制歸入政治類而以留學國內外及大學專門畢業列爲一表次於舊選舉表將選舉表歸入舊學制之後願以學校畢業清季仍以科舉廩增附舉貢名目爲獎勵故仍併爲一類並增典禮一目附於政治類以符政教合一禮制因革百世不惑之旨

一財政關係政治興廢尤關係民生負擔舊志載田賦雜稅總計歲額不及萬元自實施新縣制後歲增收額至五十餘萬元之鉅本年內行清丈邑民負擔必再增鉅額本志於此中沿革及金融貨幣之變遷用詳記載

一舊志物產一類載入風土門原其簡畧然實社會經濟基礎所繫近世史家敘述特多本志物產類分

爲十目分別詳考明其利賴榮爲一冊期有神於民生實況

一生活方言時俗農諺黨會宗教舊志不載即禮俗亦語焉不詳本志分別詳述用顯民風亦以表見社會現象庶施政者有所攷求

一人物英卓其活動關係國家民族至大然皆鍾於地方山川之形勢而成於學術及社會風教本志人物列傳於仕宦忠烈文學孝友義行鄉善各目特廣爲崇獎義在激勸

一內政都頒修志事例地方名勝古蹟金石拓本及公私所藏古物均應製影片編入本志勝蹟分爲八目所錄者大部分爲舊志所未載惟古物有限未製影片故附入雜錄

一藝文類舊志專錄詩文本志擇尤分別編入地理勝蹟各條從類夾註俾易深觀感因爲一邑文化表現所繫特分著述文徵雜錄三目網羅之蓋本章氏方志應立三書附叢談之議所錄著述多有未出版或遺佚者各方志均同此例文徵分詩文二種擇其關於地于人及掌故有關係者錄之以表巖邑文化

一藝文去取體例原非一定德施文選雖不登生存孝穆玉臺則並錄現在故章氏文史通義所謂不志生人著作之議李氏方志學力駁其非謂藝文與作者生死渺不相關何所取於著棺論定其說甚公所謂坊間刊行作品累萬皆人存自印人亡已變故紙修志者何處覓之故葛許舊志及各方志通例皆載生存作品今從之

豐順縣志

卷首

凡例

一

汕頭韓字局梅縣分局承印

一本志首載邑先達遺像五幀均以其人與民族國家有關係者蓋本司馬溫公書儀遺像其面目遺書其精神之義吳萬雄羅萬傑柯化鵬三人俱以氣節著吳六奇丁日昌二人俱以事功顯爲激勵風教起見故不嫌創例附載於圖後

一本志完全出於一人之手又勒限十月之功搜遺訂鑒函詢口徵絕無助手以年衰才薄之所爲其纒事訛漏之處勢所不免增刪訂正敬祈賢哲

目錄

卷首

序 凡例 目錄 圖 相

卷一

地理一 疆域 沿革附表 山脉

卷二

地理二 川流 氣候

卷三

大事記一

卷四

大事記二

卷五

建置一 關隘 堡壘 城署 橋渡 區鄉

卷六

建置二 城市 學校 公產 公益 義塚

豐順縣志

卷首 目錄

卷七

政治一 戶口 財政 雜稅 金融

卷八

政治二 交通 教育 典禮

卷九

政治三 倉儲 水利 墾殖

卷十

政治四 防衛 議會

卷十一

職官表

卷十二

物產一 五穀 蔬菜 果木 竹 花草 藥

卷十三

物產二 羽獸 蠶 蠶絲 昆蟲 礦 貨材

卷十四

勝蹟一金石 古蹟 署宅

卷十五

勝蹟二寺觀 廟祠 墓墓 坊塔 名勝

卷十六

風俗婚姻 喪禮 祭禮 時俗 生活 方言 歌謠 宗教

卷十七

選舉表科舉 學業

卷十八

仕宦表明情 民圖

卷十九

列傳一政績 施濟 仕宦

卷二十

列傳二仕宦 忠烈 才能

卷二十一

列傳三文學 孝友 義行

豐順縣志 卷首 目錄

卷二十二

列傳四鄉耆 善壽表 烈女 節孝表 方技

卷二十三

藝文一著述 文徵文類

卷二十四

藝文二文徵文類

卷二十五

藝文三文徵詩類

卷二十六 雜錄

(圖二) 豐順縣全圖



圖例									
縣界	鄉界	鄉公所	村公所	市鎮	山嶺	河溪	道路	已成通車道路	未成通車道路
——	——	●	○	●	●	——	——	——	——

(圖二) 豐順縣城街市全圖



豐順縣第一區首圖

例										首									
小	鄉	軍	公	電	河	山	警	市	村	保	保	中	鄉	區	縣	保	鄉	區	縣
通	通	通	通	通	通	通	通	通	通	通	通	通	通	通	通	通	通	通	通
道	道	道	道	道	道	道	道	道	道	道	道	道	道	道	道	道	道	道	道
道	道	道	道	道	道	道	道	道	道	道	道	道	道	道	道	道	道	道	道



中華民國三十一年六月

比例尺 1:100000

豐順縣第二區圖

中華民國三十年六月

例										圖									
小鄉	軍	公路	電話	何	山	市	村	保	保	中	鄉	區	保	鄉	區	縣			
道	村	路	線	流	脈	鎮	落	區	區	心	鎮	區	區	區	區	區			



比例尺 1:100000

豐順縣第三區看

中華民國卅年五月



比例尺 1:100000

像頭更正


（像頭先後次序被手民誤排合更正如左）

- （一）羅萬傑
- （二）吳萬雄
- （三）柯化鵬
- （四）吳六奇
- （五）丁日昌

吳六奇公遺像



丁日昌公遺像




吳萬雄公遺像



柯化鵬公遺像



羅萬傑公遺像



地理一

邑人李唐介承甫編纂

(一) 疆域

清乾隆三年析海陽縣豐政都并揭陽嘉應大埔四縣地置豐順縣屬潮州府乾隆二年總督鄂彌達巡邊清湖具奏海陽縣豐政都有舊城垣曰通判府居邑上游東亘饒平縣鳳凰山北抵大埔縣烏槎山西通揭陽縣揭嶺西南鄰邑治歸仁都楓洋山西北繞大埔縣銅鼓嶂北出嘉應州盤陀嶺週遭百里萬山圍繞登嶂層巒儼如城郭其東南之關上嶺及西北之言嶺則一線羊腸極其險峻至西南猴子窠正南伯公凹雖有樵採小徑俱係懸崖峭壁攀援而行而通判府城適居其中田地膏腴水草豐美枕近仲坑一山數十里密菁深林向爲盜藪又爲數縣交界之地奸民負險梗化平時則抗糧拒差聚匪剽劫偷礦販私藏匿亡命無所不有一遇有警則據險而守未易平服前明隆慶初年始築通判府城設通判一員居中彈壓旋以盜平業移郡城復設豐順營爲防守計國朝饒鎮吳六奇曾經營其地日久城廢墮該地相去接壤州縣俱輟長莫及止海陽縣有潘田司巡檢一員駐劄潘田一髮千鈞不足倚重者也應請豐政一都並割嘉應大埔揭陽饒平各鄰近田糧戶口於通判府城地方開設縣治添設知縣一員將潘田司巡檢改爲典史仍歸潮州府管轄該處原有城池止須修復不必另建惟於城內添蓋知縣典史各衙署即足彈壓其駐防武員應將現在駐劄嘉應州之潮鎮左營游擊移駐新縣駐劄平遠縣之鎮平營游擊移駐嘉應州駐劄鎮平縣之守備移駐平遠改撥千總一員帶兵一百名巡防鎮平其關上言嶺俱極險要久係出入必由之路并無弁兵防守應請各築關口一座酌撥千把總二員各帶兵三十名駐防其各營兵丁俱隨將移駐等因奉部覆准其添設縣治俟命下之日撰擬佳名進呈恭候欽定

豐順縣志 卷一

地理志

汕頭縣字局梅縣分局承印

全縣面積六千三百六十三方里 英國教會牧師蔡融測
東至鳳凰山饒平縣界一百四十里
西至兵營子嘉應州今梅縣界七十里
南至紅獅宮揭陽縣界七十里 以上據廣東輿圖修爲志潮州府志通志俱同
北至黃竹基之赤坑口大埔縣界一百三十里

案葛志載北至黃竹基一百里阮通志北至大埔縣并嘉應州夾界六十五里查埔嘉夾界在銅鼓嶂

東北山麓鋪子峯教打坪之間以水流分界實一百里有奇二志俱誤光緒間以埔豐兩縣分界無確

定地點韓江河面屢有劫船案件兩縣長吏互相推卸迄光緒二十二年邑令鄧衍憲奉文建立卡房

始勘定自黃竹基下東岸以筆石爲界西岸以赤坑口水流爲界即於赤坑口下童子拜石跌牛磯頭

建築卡房一所配巡船一艘撥弁勇駐防分界始定

東南至大凹并至韓江西岸櫟溪口東岸鳳墳溝潮安縣界各一百二十里

齊 廣 州 義安郡 海陽縣 梁 東揚州 義安郡 海陽縣

後改曰瀛州

隋 潮州 義安郡 海陽縣 唐 潮州 潮陽郡 海陽縣

天寶元年
改潮陽郡

五代南 時偏方割據州
縣上無統部 潮州 海陽縣 宋 廣南東路 潮州 海陽縣

自嶺南
四十七
州爲南
漢屬 宋分天下爲十五
路廣東路統州十
三縣
六

豐順縣志 卷一 地理志 三 汕頭縣字局梅縣分局承印

元 江西行 潮州路 海陽縣 明 廣東布政司 潮州 海陽縣

方輿記要自江
西至廣東之境
皆屬焉

成化十三年制
三饒地置饒平
縣嘉靖四十二
年開闢紫司置
澄海縣

清 廣東省 潮州府 豐順縣 民國 廣東省政府 潮循道 豐順縣

乾隆三年析海陽
縣豐政都揭陽縣
藍山都及嘉應州
巡心環清建橋三
堡大埔縣白芒社
四邑地置

民國三年
設九年裁
設第五區
行政督察
專員

案縣治原海陽縣豐政都湯田通判府城明嘉靖開豐政都不靖設潘田巡檢司一員駐潘田村彈壓
隆慶初築城湯田城周二里門三移潮州府通判一員駐守尋以盜平還郡崇正初設豐順營汛守置
守備署於城內又在縣東南八十里設北關鎮駐防明清之際吳六奇依城團練爲保衛迨澄海黃海
如攻潮州六奇率所部援救遂分駐惡溪隴隍三河控制韓江城久荒乾隆初兩廣總督鄂彌達巡邊
以豐政都通判府僻介萬山中崇巒疊險距海陽縣治一百七十里所在礦徒嘯聚伏莽潛滋止有潘
田司巡檢不足控制奏請析海陽揭陽嘉應大埔四縣各鄰近田糧戶口將通判府城開設縣治添設

知縣一員仍歸潮州府管轄乾隆三年奉欽定名為豐順縣九年以潘田巡檢司缺改為典史二十八
年設湯坑巡檢司嘉慶二十四年設隴隍巡檢司全縣分典史轄為捕風湯坑隴隍兩巡檢司轄為司
屬同縣一縣三國民國改革分捕風為一四兩區分隴隍司屬為二五兩區湯坑司屬為第三區名為
自治區分設區自治公所二十五年仍舊併為三區各置區長一員二十九年實施新縣制裁區分為
三十二鄉直屬縣政府仍就舊五區分設警察所名為警察區

(三) 山脈

五嶺自衡山西來極東南之委故自贛南以下其地獨多山發脉既雄且遠遂有飛舞千里之勢水道提
綱所謂揭陽嶺又東稍北為瘦牛嶺飛泉嶺其南為貴人山又北即大堂山連峯相接蜿蜒數百里者皆
邑屬之山也天堂山自五華西來折下殺人凹入縣境突起而為飛猿山其左支則為獅子銑右支則為
貴人山各南北走百餘里包裹中幹之飛猿山舊箕嶺觀音山猴子嶺再挺拔為四千五百尺之韓山嶺
乃南折為虎頭嶺忽北折為尖髻山為仙人戴笠為朱高崇嶺又西折為朱麻嶺為大岩嶺亦名龍山屹
然竦峙為皇冕之五統下垂中統迤邐出閩而南入縣治陂嶺作枕豐溪流帶衆峯環拱萬山如圍斯固
粵督鄧彌達所云叠嶂層巒儼如城郭者誠山高水清三靈輒會之奧區也其左支自獅子銑東出而三
枝嶺而禾倉嶺而官嶺又西北走大扁嶺而銀瓶峯而九龍嶺而三突嶺越分水凹而為鬼佛巖黃蓋頂
忽聳拔為高五千尺之銅鼓嶺蔚為縣治之幹門華表中經連亘起伏遂成縣境西北百里與興寧梅縣

豐順縣志

卷一

地理志

四

汕頭鎮字局梅縣分局承印

大埔絕大峰壁天然之限右支貴人山脉蟠繞八鄉出雙髻洋逶迤至採芝鄉極西之陂頭峯又東折為
烏石嶺而樓喜東而雷姑山為縣境西南與五華揭陽一山之界有如鯢鵬垂天之兩翼展翅而作東南
飛者而童子洋雲焦寨飛泉嶺諸山復與貴人山支分南出虎頭嶺至龍山而聯同在右翼包圍之內綿
亘以護中幹之盧斯亦巖邑磅礴結構之大觀矣若諸山之周羅森列環衛重疊皆屬中左右三大山脉
中之支流餘裔其鬱而為奇峯勝嶂或古剎僧菴共占白雲或遺民託跡野蔽闕荒皆有紀實之必要茲
更由近及遠分別列舉之

陂嶺 俗名陂嶺集志名陂下嶺聳立城南其上多堡壘四麓有豐湯公路竹樹交加映帶豐溪如畫
登其巔可瞰城郭

清初浙江葛亮祖有中秋日晡偕友登陂下嶺詩秋光滿野勸登高興至攀援不憚勞歷歷烟林平若
磬重重雲岫湧如濤跋山筋力衰猶健對景情懷老益豪皓魄欲升歸未得涼風習習拂征袍

徐楚和作何須九日始登高為愛青山不憚勞細草平陂臨絕壁疎松夾澗響晴濤心儀謝佛風流且勝白吳儂逸興豪秋色平分當
此夕一輪早得映輝袍

安墩嶺 在城東半里嶺上舊有安墩書院三層魁星閣閣下有萬壽宮北麓有龍王廟先農壇今改書
院為忠烈祠衛生院右建民衆教育館其巔有亭山麓有中山公園苗圃

新港嶺 在城北一里上有保福寺葛志寺面溪背嶺松柏交陰風濤長鳴盛夏如秋其勝概可想今寺
後闢為林場抗戰之二載縣政府移寺內增建房舍禪門頓改舊觀

邑令葛曙有利柴版安新菴觀指原韻詩閒游訪梵定春滿綠畦中野色連山翠泉聲帶石湍深耕良足樂勸相竟何功住久今成別還期話歲豐自注時已解縣任

大岩巖 一名龍山在城東南二里爲縣治祖山林壑幽美山南有龍祖寺

吳之駿有龍山遊記詩曲折層巒古路幽扶筇直上巔雙眸蒼茫遠樹平如嶺寥落孤村小若舟四面秋風聲淅淅一灣潭影水悠悠地靈莫謂無人物甯戚當年亦飯牛

小樵山 在縣北八里谷瀝林深山麓有小學校抗戰之二載劉志陸上將軍兼廣東省第五區行政專員選治於此增築官舍賓館花園合作社兵室多座錯落林間竹籬茅舍有林泉之雅

李介承宿賓館冬夜詩有郡廨簇林麓鈴閣仰風清茅屋開三徑霜雁絕十城之句蓋記實也

兵甲山 在城東七里卽關上嶺迤北一派及新嶺諸山之總名也層壘稠疊如結隊如積甲爲縣治右砂堪輿學名爲屯兵山亦名兵甲山故向有關山兵甲之稱

南華嶺 在縣西十五里山陰有道觀泉石清連土質肥美居民墾殖殆遍

朱麻嶺 在縣東十五里竦峙關上嶺之上游峻峭若削其下爲小關凹嶺有一椽之廟古樹杈柯與龍山寺相對爲龍山秋月之奇景

五顯嶺 在縣西之二十里有華光廟香火甚盛

尖峰山 一名天柱山層巒疊嶂中峯上出如天柱產茶特佳在縣南三十里爲縣治山祖

韓山巖 在縣西三十里高四千五百尺四面巉巖朝暮雲籠霧罩其巔故有韓巖雲籠之勝

豐順縣志

卷一

地理志

五

汕頭韓字局梅縣分局承印

蛟山巖 近倚韓巖俯瞰城郭

朝天馬 自韓巖蜿蜒突犖秀拔如天馬行空故名山半有懸崖石澗三度高二十餘丈相距俱半里溪流激湍極飛花滾雪之奇觀

蠟燭巖 介朱麻巖尖峰山之間奇峯聳翠周遭天險明寇渠張文斌據此爲山寨

鱷魚嶂 在縣西北三十里高插雲際形似鱷魚其下爲楊門寨明季盜賊淵藪也

鷄子嶂 在縣西四十里怪石嵯峨其形似鷄故名

禾倉巖 在縣西四十里山勢排岩若倉廩

三枝嶂 在縣西四十里巉巖峻削屹然如天外三峯並峙

獅子嶺 高三十尺其巉巖之狀如獅子故名

案獅子嶺在瓊清鄉極西距縣治五十里自殺日門分支向東北走爲三枝嶂禾倉巖出脉北麓界與甯縣東南屬縣境舊志誤作在建橋堡

銀瓶峯 在縣北三十五里奇峯峻峭挺出衆山之上矗立縣門故有銀瓶雪霽之勝

九龍嶂 其巔有九十九墩爲狀各異如虎豹龜蛇不一其形頂廣二十里許盤繞如龍土人謂之九十九

九龍嶂 大清一統志通志同

案嘉應州志名九良峯引廣東圖說作九龍嶂在州城南六十里九峯錯出故名西南爲浪蕩石界豐

順云唐代八鄉陳政奉命鎮綏安以羣蠻侵退保九龍山奏請益兵今山上有營壘遺蹟是否爲陳政駐地所未詳也攷九龍嶂浪蕩石皆屬縣境在縣北四十里浪蕩石以外之小桑始爲梅縣境

大歧嶺 在縣西四十里東北界梅縣山下有附城矣姓祖墓名蟻地因屍骸山蟻泥所墊其墓前後有勅石印石旗山鼓山馬山形勢天然其山上游爲言嶺關

開公嶂 在下湯社離縣三十里嶂有雙峯高插雲端

鐵東寨 在縣東四十里其嶺有五顯帝廟香火甚盛相傳明季鄉人避亂於嶺爲寨祀五顯帝後乃建廟云

蓮花山 在逕心堡峯如蓮瓣有寺在中引石泉流入寺內烹灌皆從石間不用淘汲山花鳥語境界清幽由山徑登約二里

虎頭峯 在縣南五十里即尖髻山與高介嶺分脉之山系縣龍與潮州府龍所自出也

仲坑山 在縣北五十里屬大田社層巒疊嶺多產銀鉛元明間開採礦工多至二十餘我人中一山有淨水寺旁有石巖相傳舊能出米日供數人食寺僧貪多鑿之遂止其溪水不產鱗介山口兩峯峻削如雙劍在門橋其上高十餘丈

飛泉山 爲縣境羣山之冠西北界五華縣層巒突兀脉絡紛歧一由獅子嶺至縣城潮州一由飛泉嶺至揭陽臨口名徑堡通志府志向設鄉練巡守今裁舊志

豐順縣志

卷一

地理志

六

汕頭縣志局梅縣分局承印

案飛泉山在縣極西其石爲貴人山脉經八鄉大羅之西突起爲陂頭峯爲烏石嶺兩山之西南均界揭陽縣境飛泉嶺上游爲雲蕉寨又西爲童子洋嶺雖自飛猿山發脉而其下游至羅系約之龍山而止并未南全揭陽縣通志府志所稱隘口徑堡及葛志設練巡守之說殆指兩漢揭陽言之攷大清一統志藍田隘在揭陽縣北舊皆爲戍守處又云飛泉嶺在豐順藍田都有徑通長樂爲惠潮關隘揭陽志石磴飛泉徑在藍田都古置石馬營今廢裴淵廣州記飛泉嶺爲秦成五嶺之一蓋潮惠之關隘揭陽之北門也云今飛猿飛泉二山俱屬藍田都析自揭陽揭陽置自秦漢西晉廢改爲海陽縣迄宋宣和始復置揭陽是揭陽固有今昔之別疆域亦殊若小分別攷之則隘口徑堡故址將茫然莫識其所任矣

飛泉嶺 壁立數百仞周圍數十里重巒疊嶺人跡罕至有泉飛空而下故名通志即作揭陽嶺一曰揭嶺石匣中嘗出氣如雲白主大雨黑主風雨俱暴冬則主大風雪在磴下鄉離縣六十里舊志

案葛志纂於乾隆十一年所稱通志即作揭陽嶺係據舊通志言道光阮通志即已刪去水道提綱揭陽山連峯相接蜿蜒數百里是秦漢揭陽嶺實包括天堂貴人飛泉瘦牛諸山而名之溫仲和於揭陽嶺所在辨之最詳飛泉嶺與揭陽嶺蓋不可混爲一山也

明方國才有揭陽嶺詩五嶺南州舊有名飛泉一臂更峻天懸壁壁連雲起路近青霄榜日行故壘已荒征戍地殘碑常載記遊情我來臨履高峯上懷古瞻餘感慨生

清初葛與揭嶺詩五嶺皆天險奇觀揭最宜古傳秦漢卒人師應答詩嵐氣晴還雨泉珠舞日垂幽寂堪避世欲出意先遼

瘦牛嶺 在縣南五十里揭陽縣志在藍田之石硤村脉自揭陽山來一名雲落又名東挑按三陽圖志載縣界西曰東挑嶺卽此又城池記瘦牛嶺環于西舊傳又銅鐵佛像寶貝之異查石硤村卽名石坑村舊志

案石硤村卽名石坑村係舊志所增攷瘦牛嶺在寨前鄉境舊志邵圖該鄉止有齒坑角石硤村是否齒坑角之誤疑莫能明又石坑鄉詎寨前鄉二十餘里且中隔出心鄉其誤可見

猴子嶺 奇峯插天巖谷深邃爲揭陽至嘉應必由之路嶺徑崎嶇難行有揭邑貢生江采士捐貲修築今成通衢在寨前鄉離縣五十里 舊志

案猴子嶺應作縵氏嶺今沿俗稱簡稱猴嶺在環清鄉舊志稱在寨前鄉實誤案均道左有武夷王廟其下野屋數家自湯坑攀登石磴幾及額丁雨生詩所云入山二日路紆迴瘦牛猴嶺各崔巍奇峯亂插愁天破者也

清維懷公秋曰過猴子嶺詩風巖峻重岡秋曰開過逸興多野店倚崖明月照晨裝歷歷拂勝龍(後畧)武夷王廟木刻聯「武夷丁仙官桂海夷則格樂壽鈞大」環情士惠和撰

蘇姑山 在縣南五十里雙峯連起山岬有奇石蟠地人跡所經鏗鏘有聲有名磅磅石下延深潭結石室漁人取魚于此 舊志

埔頭鄉徐對廷亦蘇姑山詩蘇姑山女子漫說不知人石骨二生鏘峯眉兩道翠千年猶待字萬古此懷春玉女懸懸望彭郎了了因雨雲懷絕嶺微微過身定有精靈在相看宛可親

雙姑山 兩山突峙秀麗異常與蘇姑山相對

豐順縣志 卷一 地理志 七

汕頭鎮字局梅縣分局承印

犁頭峯 在縣南五十里雙峯聳峙山半有寺爲湯坑市山祖

大寶山 在縣北六十里產銀鉛經明代開採 大清一統志通志同

北山嶂 在縣北六十里山脉上游爲九龍嶂折下分水凹東連三突嶂凹北界梅縣一徑羊腸大平軍

卽折于凹內徑渚

龍谿山 在羅家約離縣八十里目飛泉嶺發脉經虎頭嶺至此迄然止左爲羅氏祖祠

玉石嶺 在礮下鄉離縣七十里產石如玉有青黃二色質脆而輕

龍鬚礮 在循陽鄉離縣七十里高數十丈有噴泉如銀絲

吊鐘山 在縣南七十里形似吊鐘可望豐揭二縣山麓產錫經明代開採

鵝公嶺 山下有泉分流清澗可愛內一泉獨濁呼爲汶水啊山形似鵝在羅家約

鵝冠嶺 在縣北七十里脉自銅嶂南出其巔斜坦水泉豐美林壑幽深產茶最佳

羊媽嶺 上連鵝冠嶺產錫介龍溪大田兩鄉

黃峯嶺 在縣七十里上連鬼佛巖分水凹下爲教打坪嶺其坪寬二里東界梅縣折下分爲二支左支

出明山嶺右支拔爲銅鼓嶺

銅鼓嶺 在縣北七十里高五千尺嵯峨雲表爲潮梅最高山鎮絕頂方廣數十人泉流汨汨可掬而飲

俯視衆山惟鳳凰陰那韓董能指數餘皆如培塿遠望韓江西自五華東延梅埔南盡潮汕黃流一線

蟠繞如帶梅豐城市均如在杯按山半西有煤礦軒露巖際東爲銅鑼湖平坦多水田湖上舊有山寺明代巨寇蕭松山余大椿鍾靈秀彭仕任廖輝欽金德光輩先後據此爲巢穴後寺爲官軍所燬遷于山下重建即勝坑之龍泉寺山周圍百餘里千巖萬壑奇泉怪石奇花異卉窮數日遊不盡明廖輝欽稱天王拜金德光爲軍師故山上有天子頂官廳教戰坪尾營上營中營下營之名迭經閩虔粵三省督撫會勘始擒渠掃穴東北鍋子峯界梅縣大埔境山半有村落數十處居民零星散處者百餘家方輿記要銅鼓嶂山勢險峻爲盜賊穴

大清一統志銅鼓嶂高九百丈周一百餘里

廣東通志土寇跳梁其巢必在銅鼓嶂明嘉靖間擒土賊蕭松山余大椿於此明末鍾凌秀復據此蓋一山而豐順嘉應大埔各分一面廢重洞復易於藏奸云

嘉應州志在明山之後峯巒連絡界豐順大埔二邑巖洞深僻貫穿不測

大埔縣志高約數十丈綿亘數十里一面巖應豐順一面大埔下爲銀溪三州古野等村嶂有小尖南溪數處古爲賊巢崇正辛未間鍾凌秀據此

案縣屬地方巖山隱隱二地宋代已大闢萬安都及豐政都一二圖實自元代開發北鄙豐政三圖在前明猶爲盜賊時代皆銅鼓嶂三十六峯諸大山爲之障蔽梗塞也郭輔畿孝廉上隆武奏云叛賊彭仕任等臣知其出沒之鄉不過恃大田泥溪黃花村銅鼓嶂爲巢穴耳可概見也自來山川磅礴之氣

豐順縣志 卷一

地理志

八

汕頭鉛字局梅縣分局承印

必鍾靈於人物文化發達則其人蔚爲國家棟幹若草莽冥晦則變爲盜之渠魁故老相傳余大椿七娘墳人鍾凌秀鍾復秀兄弟爲孩兒坐欄人廖輝欽爲南溪人金德光爲黃花村人蕭松山爲黃花村大坪人俱屬銅鼓嶂三十六峯二三十里內之士著而皆擾亂閩贛粵三省數千里之地其時各村落曾無一滿百人之族姓其狃獠可想今之奠居斯土者皆明末清初自閩汀遠徙而來生聚教訓之日久逮乾隆間始有膺歲貢登仕版者以視各區鄉之發達瞠乎後矣近五十年來文化乃突見進步蓋地方開發之遲早實於人文有密切之關係爲治者烏不注重教化歟

小尖峯 爲銅鼓嶂南支突起之孤峯其尖似筆高三千餘尺

雙髻山 爲銅鼓嶂東支山系雙峯並峙左峯出旗墩岌爲留賓隄爲孤山與大埔縣境南北一山之界右峯出馬鬃岡爲高山祖爲香螺峯爲三十六峯諸山高三千餘尺與小尖峯爲銅鼓嶂左輔右弼潮州府志雙髻山一名雙山隄產錯

高山祖 在沙田鄉屏嶺峙產鐵山南有明代採礦窿數處山腰有窿自山南深達山北附近爐下地方有公王宮標名江西興國縣公王爺可見當日採冶礦工爲江西人亦寇羣嘯聚而偷礦者

香螺峯 亦名響螺峯在縣北黃花村孤峯竦峙如卓筆其巔有明代石碧遺址峯頭掛樹多山杜鵑三月花時燦爛如火爲高山祖三十六峯山脉之中峯也

三十六峯 舊志名三十六墩在縣北七十里爲龍溪溪黃花村小勝前砂十餘鄉村之山系綿亘百

里高二千餘尺三面峭壁絕頂方廣二十餘里衆山簇起有圓者方者長者如龜如蛇如伏虎如蹲鷄如馬嘯如修竿如高旗爲狀不一數以百計峯無獨高十丈者四圍之山若張網之有綱焉堪輿家稱爲龍巢凡低窪處皆有水泉富饒質瀑衣楚楚如漿而硬其南有湖沼沿湖地多沮洳名曰湖渚有稻田十餘畝山多產藥材有針竹枝葉皆倒生名曰倒插竹相傳有羅者張機而寤半身忽被蟻銜泥封塞折竹枝倒插誌之重來則滿山皆生倒插竹今猶有之明巨寇廖輝欽金德光輩據此爲巢穴其在湖渚所祀關帝廟至今香火未息

紗帽峯 一在縣西七十里高二百丈中圓兩邊低垂若帽簷西北與五華與甯夾界一在縣北深坑三十六峯西南支出山脉也突兀獨尊形圓如紗帽亦名帽山其下爲十二排豐埔軍路所經

石亭岩 亦名獅山在縣東白土村口石壁巍峨如獅下瞰產溪岩前有文昌廟

鶴子峯 亦名鴛鴦在小勝鄉山嶺嵒拔有橫看成嶺側成峯之妙與香螺峯南北對峙

高螺峯 在砂田圩距縣九十里

燕尾山 在占頭村距縣九十餘里峯剪裁雲形如燕尾與高螺峯留賓峯山脉相連

留賓峯 在砂田鄉極北距縣一百里北界大埔縣迤東南爲孤山

孤山 距縣一百一十里岩巉獨尊迤西爲寒凹豐埔軍路所經迤東爲飛鳳凹兩凹之外俱界大埔縣境

豐順縣志

卷一

地理志

九

汕頭鉛字局新豐分局承印

白石腦峯 在砂田鄉極東北鄙距縣一百一十里自飛鳳凹東迤聳起山脉東走至韓江西岸之童子

拜石而盡山北界大埔縣境

烏泥峯 在縣北八十里位潘田產溪西隔三鄉之間自殺人塘過脈經人十石峯東走聳起迤東至紅

嶺頂韓江西岸止

牛牯石峯 在潘田鄉之南距縣八十里爲吊鐘山扁山釋迦峯諸山之系即潮州府龍之祖山其下有

牛牯石凹爲湯坑隔隄通道要隘

尖山峯 在縣東一百里孤峯矗立位韓江西岸之前砂爲三十六峯山脉迤南最終之高山

釋迦峯 在縣東南一百四十里高四千尺山半有古寺巖壑幽深多勝境山麓西南界揭陽東南分潮

安縣

尖筆峯 在縣東南一百五十里之南坑鄉西連天頂峯歧山峯決石峯雙山祖釋迦峯東出狐狸夾凹

松水峯東西蜿蜒百里爲縣境與潮安縣天然界限之山脉每山峯連續處皆有凹俱爲南通潮安縣

境之要隘海陽縣志名占必山高百餘丈周圍十數里產鉛鐵礪石山後界豐順縣

童子洋峯 在縣南一百二十里西北自貴人山分支南出爲杞梓山東出爲雲魚窠飛泉嶺

貴人山 在縣西南八鄉一百三十里爲縣境與五華一山之限詳見古蹟門

鷓鴣山 在白芒社距縣一百六十里東北連烏策山爲縣屬韓山東岸諸山之祖高四千尺南走天

朱麻圯深坑窠鳳凰諸山綿亙百里山脉東界饒平縣

天窠 距縣一百三十里高三千餘尺山半有蔣坪村東南有風吹礮窠民所居南連鳳凰山

朱麻圯山 與天窠相連高二千餘尺山半有三十六灶遺址詳古蹟門

深坑窠 與鷄公髻山相連高三千尺巖谷幽深土質肥美

鳳凰山 在縣極東一百四十里高五千尺綿亙百餘里嵯峨挺拔爲潮州第一名山上有天池石洞西
北屬縣境東屬饒平南屬潮安縣

地理二

邑人李唐介承甫編纂

(四) 川流

縣屬川流自韓江外皆發源境內諸山東西北境諸水皆流入韓江南境二水俱流入揭陽河至汕頭同入于海

豐溪水會合西南二大溪流而成南溪發源豐田嶺之乳姑東流爲瑞溪有尖峯山田具溪仙人戴笠諸水注之繞驍騎將軍鄒瑞建之鄒家園合大小陣坑二水北流逕古寺溪桃社樓壇出陂下嶺西麓繞高田園凡三十餘里穿西門大橋下又東流縣城北與西溪會合故名雙溪西溪水發源於殺人凹橋枝葉初出二流會于南溪經青潭墟有石橋爲揭陽至梅縣輿甯之通道所必經橋西北有言嶺關關外舊爲古武甯驛地水自橋下行里許會合獅子牙發源之溪水至瑞林壩經一渡水瑞林壩爲瓊清鄉自治學校墟場所在地其南有曹山六景及寶林寺明詩僧釋曉所住持其下十里有宋代建之南山寺一渡水石橋長數十丈兩邊護以石欄與青潭橋同爲里人知慶遠府王憲修倡建水穿石樑東經建橋堡堡有闢明隆慶間都鄉長僉軍事張乾福建以禦寇者也大理寺卿陳燕翼巡按過此嘉之奏封乾福爲武德將軍溪岸有環翠亭呂文宗閣古榕垂蔭烟火千家建橋環清與關外逕心三壩舊俱屬嘉應州建縣時所割入者溪至建橋園之東北有山源於落永科之水自南注之此水在石碑

豐順縣志

卷二

地理志

汕頭路字局梅縣分局承印

墩築有石橋一座長約十丈分爲九眼爲里人張視丞所倡建溪水又東北流越豐興公路長橋下新陂鄉新陂橫截溪流灌溉新陂橋背兩鄉之田千畝陂下有橋爲鋼骨水泥所構之西式長梁松崖鄉吳桂芳吳式均吳聘我倡建橋畔有松崖學校中將吳逸志所倡建內有吳少蓬先生橫額紀念碑水出橋下北流逕蓬盧園下有七梁之便行橋亦鋼骨水泥所建爲吳少蓬先生倡築者水至樅舖有大槎水合布心水先後注之大槎水發源鱷魚嶺旱溪合流至大槎其地有明太神敕授副將賜名黎翼士墓布心水發源九龍嶺東南流逕榕樹塘合石下出布心潮汕淪陷廣東省第五區行政專員何春帆遷治于此水又東流逕小樅村民國廿八年威遠上築軍兼行政專員劉志陸復遷治小樅依山麓建廟署錯落林下別饒風景村口有拱橋水穿橋下又東流至樅舖凡三十里會環清大槎二水而入于豐溪溪南卽縣城所在地城建自明隆慶初原屬海陽之豐政都移潮州府通判一員駐城城北舊有鴨湖吳少師六奇建太平公館於湖上爲水樓建縣後徙其館仍其址建立學宮而湖亦變爲田廬矣城東南卽吳少師故里城北爲縣市乾隆三年總督鄂彌達巡邊沿湖以地墾多爲離縣治爲遠乃奏准建縣析海陽揭陽嘉應大埔四縣地以益之（參吳蘭毅題縣署聯云四邑割分要地雙溪合名區可考）溪北岸有溫泉四五坎坎上有亭澣濯者夕至如御邑令葛曙溫泉記所謂似有神炊終古長沸者也其上有良鄉市與縣市隔溪而南溫泉下流入溪其下有石橋橫跨溪上長六十丈高四丈爲石梁七水間共五焉名曰普濟橋橋北有咸豐間擒亂賊古聲楊紀念碑及和平紀念碑亭橋南卽安墩嶺舊

有鵬湖書院與三層樓閣近廢爲忠烈祠及中山公園每值桃花浪湧一溪兩岸城郭人家烟樹蒼茫故有豐溪春漲之勝水又北流經雙螺口有布心小溪水注之其溪發源大凹越第三條出雙螺坑入豐溪處水深無梁行客皆亂流而濟其下洞湍深處前明有大軍過洗馬於此日行倍道故名洗馬潭南岸有地名曰三坑田相傳爲明代田探花故宅其妹卽雙螺口村張姓始祖母惟探花名迪志選舉表無攷所未詳也溪水逕羅龍圍北折龍岡埔有源出角公頂之康坑水北來注之又東流過楊梅坑下有源出雙髻嶺之上林坑水注之卽府志載明朱月嶺泊漁舟垂釣月夜救上杭被賊擄黃氏姑媳處水又東逕黃磜坪村有仙洞溪水發源大凹自象鼻磜下南來注之水穿亂石叢中激石怒號湧流急湍大如車輪復自高下陷名轉水角溪水經此里許之石磜野航上下皆阻以是轉水角成爲土產輸出之小市集又東至于白溪有北溪水自葉華大田六十餘里北來注之北溪發源馬頭鄉古祥輩合西北二洞之水源出信廟壩其水小不可以舟馬頭鄉人歲於端節糊紙爲龍沿溪迎而投諸信廟壩溪流馬水逕葉華出北溪村有源出黃磜分水凹螺坑田之水北來合流咸豐四年太平軍僞僭王譚體仁率十餘萬衆自嘉應州南竄縣令錢誦清以分水凹內徑諸間道下臨鵬湖峭壁十丈一線羊腸馬不並轡督鄉衆盡掘其徑賊浩蕩至人馬多墮澗死積屍山齊輜重盡失後至者皆踏屍而過晚抵北溪村餘衆僅存其半遂不戰而降溪水又逕白溪壩出大田溪南有仰坑山產銀鉛元明開採礦工計冊者十萬畝山上有淨水寺水不產魚蝦四面通道有汛房四舊駐千把總數員官兵三百餘名溪北有霜山草堂明澄海進士謝元汴講學處北溪水又合仰坑水出淞下石磜十尋溪流下瀉飛瀑驚濤觀者色駭沿溪上游多產柴木浮水下流必架湫爲梁作驢馬之追奔而疾下否則墮積淞下不可收拾矣水至白溪口入於豐溪水益大其流漸平惟兩岸連山畧無缺處重巖疊嶂蔽日隱天是名長灘東水東流十餘里至凹成磴又石徑嶙嶙間阻溪水流離四下舟行乘客做貨至此必登陸行負舟而越轉駁踰磴口乃能順流而下黃金市市肆舊枕溪岸光緒八年溪水暴漲商店百餘間冲毀一空乃改依山續建復民國三十年六月後街店戶數十間又爲水毀其他扼豐溪北溪龍溪之咽向爲各鄉柴炭竹木竹器之集散區近始由船轉運潮汕銷售歲達百餘萬元近市金山之麓有三溪學校產溪鄉公所警察派出所民國十六七年爲共匪佔據設立蘇維埃政府百里之間慘受屠殺焚掠十八年乃始蕩平龍溪水發源銅鼓嶂羊姆嶂諸山合流於葵頭營經產錫之大雷嶺梨棠下出溪尾龍溪徑門諸村市至河清潭其流始大而平通行野航轉運百貨龍溪有村落二十餘向分九甲田地頗多居民數千皆爲佃耕而來近數十年乃由農奴解放而爲少數之自耕農而文化漸興外鄉大地主有倉數十所近僅存十餘溪水南流逕遍砂魏鬱洞凡三十里至黃金市東入于豐溪豐水又東逕埔東白土諸村相傳明季有劉重施者任潮州知府謀築室於白土因卜地掘得白土庵古鐘遂棄去鄉人以鐘故乃建植福寺鐘款文爲大元國潮州路豐政里容田保產溪魏鬱洞某至元六年鑄洪鐘一口于白土庵充作奉饗是白土庵建自元初知今之產溪鄉在元代爲容田保也惟劉重施知潮州

府則省府志職官表均無可攷白土村口有獅山即石亭巖擅廟宇樹林之美豐水過巖下經黃洞相傳爲羅解元拔奇故里其名方志選舉表無攷今居民爲劉彭杜三姓着不祀忽諸久矣豐水又東逕蓮塘至站口產溪驛故址前入於韓江

韓江自五華興甯梅縣南流至三河城下滙汀漳二河之水而東南流至大埔縣之高陂鎮下游黃竹基入縣境其分界東自筆石西爲赤坑口在昔匪劫商船皆在兩縣之交清光緒二十二年邑令鄧衍憲奉文建卡房撥弁勇駐防諭邑紳陳期昌建於跌牛石磯頭旋以卡兵滋擾裁撤江水又南流十里逕岳坑渡有發源孤山之岳溪水逕岳坑村口穿石梁伏流半里至渡口西入於韓江

韓江水又南流逕中央段赤米田馬頭山至潭澳城亦曰潭江舊有饒鎮吳六奇行台其後有山今猶名爲衙背肇光緒間夷建新街有溪間之駕石梁以溝通舊街民國初又於舊街後夷袁姓大屋拓建騎樓馬路新街近市各村有碗窰百餘所爲產碗之集散地水陸交通商業比昔稱盛有中小學校警察所鄉自治公所縣倉田賦處稅務所各機關之設置豐順縣立第二中學校近亦遷設市內沿街背肇增建校舍並於楊柳窩闢築校園運動場若從對河溪西端舊墟至梅縣口宮市八十里接築公路僅三小時可通車至梅縣再由市內至鳳凰八十里展築公路則饒海魚鹽可一日逕達至梅縣而潮梅交通可縮短三四倍路程則潭江且成爲水陸交叉之一都會矣市北有溪水發源於大埔之十八到降福田逕陂窩至馬頭山碗廠林立之溪口西入于韓江陂窩舊曾築陂引溪流以溉赤米田後毀于

豐順縣志

卷二

地理志

三

汕頭鎮字局編輯分局承印

洪流民國二十九年夏劉志陸兼五區行政專員推行築塘墾田派技士測勘規復里商陳寅菴倡建復水壩開渠八九里墾田百餘畝資灌漑焉

江水又南逕新渡至轉水塘有潮州府志所謂北勝溪水注之新渡爲砂田鄉土產之輸出口清季設郵政於此向爲潮梅交通捷徑北勝溪發源大埔縣界之旗墩岸逕磴下舊有石梁光緒甲辰毀于洪水近建復鋼骨水泥橋水穿橋下逕占頭村舊名坎頭嘉應州官過此以爲不雅乃改今名村有石坊爲百歲陳義章奉旨錫建有紀念碑爲團營長張堃帶憤陷殉國建甲辰洪水暴漲五六丈沿溪占頭砂田南陽諸村商店民房冲毀六七百間淹斃百餘人牲畜田園損失無算或曰山崩出蛟所致疑莫能明也沙田墟舊依溪邊後乃近山麓建復有自助公學國民學校砂田鄉公所之設沿溪口有輪壘題名四字刻巨石上亦遭冲沒水逕南陽有南溪水注之一發源三十六峯之麟子凹山山泉湧而出匯川散流產紅蟹俗名山蟹蟻流十餘里合源出香螺峯之水聚而成潭逕黃花村西溪深崙谷長林蔽日輕湍潄下是名鳳瀑折而東流又度長林過一灣之略約穿數丈之石梁名黃花橋崙枯桐教授書以上石者也橋畔有村人李福田先生紀念亭其門下士古揚志等百餘人醵金所建亭右有純陽道觀鑿山結屋松杉成林旁有放生池饒泉石竹樹之勝泉清而甘服食之士長齋之婦棲焉信爲勝處矣水出石橋其外兩壁危懸水飛空而下一匹有餘自此叠磔懸崖分石直瀝長松倒掛高峽隱日自波奮流屢成潭渚高下百丈有餘水又東逕南溪橋有源出蒲竹頭之丹竹峯山塘水逕水干坑至菴

子場社官碣復與源出三十六峯湖渚揭陽磴之箭坪水合流丹竹蓋山塘堤廣七丈高一丈七尺緣山磴渠五里灌墾新田三百餘畝民國二十九年廣東五區專員劉志健省視導團教育廳長黃麟書省府參議黃玉明古無我潮安縣長吳履泰饒平縣長陳署木南澳縣長洪之政豐順縣長劉禹輪民政廳視察士乃勘蒞場開闢行水題名于山亭岩石塘壑及黃花南溪二橋皆村人李介承倡建工程頗鉅南溪爲明代巨寇鍾靈秀廖輝欽金德光出沒之地於菴子場古寺爲巢穴社官厓萬一郎爲所殺因頭已墮下身猶騎馬上馳數里鄉人以其身首異處各立碣祀之鍾廖諸渠皆擾亂數省經粵督王業浩閩督熊文燦度撫陳炯明禮先後督道鎮率大軍會剿追至南溪始蕩平之水又東有發源高山祖之西坑水合流潭橋頭村又有源出銅鼓嶺南麓之黃沙溪水合流復南趨官渡子廢墟出南陽會沙田水而南流鋪下其溪岸產錄礦傳村民曾曰見礦苗如銀笋突生石罅尺許折之不獲迨携械往覓不見近年試採以資乏中輟自是沿溪兩岸皆峭壁中多巨石水激石怒號石礮高下岫嶂紆曲長津奔浪凡二十里逕公王礮則懸流白尺中流巨石聳轟激浪怒吼觀者色駭數十年前忽爲雷電劈平水勢稍殺迄於礮口則平波深澗矣又十里逕三州溪口西入于韓江

江水又南逕三坑渡湯沙有大勝溪水東往注之湯沙河干有溫泉春夏江漲沒于流沙秋冬水落村民多排沙就浴大勝水發源縣境饒平大埔夾界之鷄公髻山受衆壑之水合流于龍潭沿溪多生幽蘭逕白芒社亦名官溪鄉建縣割自大埔屬鄉內廟祀公王有大田螺一枚吐兩肉殼皆紅色長寸許祀

豐順縣志

卷二

地理志

四

汕頭鎮字局梅縣分局承印

神則出現座中遊行祀畢復隱沒不見其地產鳳凰茶即水仙茶其樹大有拱把者溪流二十里逕大勝有源出風吹礮及直坑二水合流至箭竹洋注之風吹礮僻介深山如世外桃源雖葫蘆竹筍尤甘美可口有羣民數十戶操蛇羅土音近習與鄰右通婚俗多同化惟春米仍用手執杵每歲除夕舉家必席地而食猶沿其狗吃必在地舊俗有古遺畫像一幅長三丈許圖其祖先狗頭人身狀自出生至狩獵爲山羊鬥死及送葬情形世傳其爲狗頭王子孫即漢書所謂獬豸種也搜神記言高孝氏女配狗頭人身生男女六人自爲婚姻後名三子爲盤籃雷三姓今潮州縣歸湖山內有雷姓三四戶稱係其族屬與村鄰鍾姓八九家稱爲外甥之裔向與互通婚媾梁任公謂係蠻族中之別一派即最初之土著云大勝水又西越九龍礮崩浪千尋兩壁深峭衝激如雷鄰近多碗碗產碗輸出瀝江山半有盤石寺古木成林泉石清幽礮渠引溪水環寺前而溉農田寺有木刻聯云盤谷有泉供佛香石門無頭待僧歸其幽勝可見溪水又西澗壑深阻疊礮飛流高下崩浪屈曲十里至溪口入于韓江

江水又南逕朱氏坑有小勝水西來注之其水發源三十六峯東南諸山澗以筆竹岩溪爲大流十里穿第一拱橋其下島嶼十餘丈奔浪排空東流里許合源出樓上之隔背水南流逕營上社背穿第二拱橋沿梨樹下有源出三十六峯之老人羣西坑水自西來合流又東過宮徑石橋有巨石屹立中流名禾倉石溪壁古木陰森下鐫路開禾熟四字其側有文昌祠近改設中心小學校縣立第二中學校曾一度遷設祠宇溪水又東歷隔下石橋逕小勝鄉自治公所出礮下越大井小井沿溪峭壁若削屈折

洞流有石磴如井積流成潭深不可測故名水出溪口凡三十里西入於韓江

江水又南逕朱坑塘小石溪有朱坑水發源箭岡塘經朱坑村西米注之明代朱坑塘有汎房數間烽燧三座配巡船弁勇駐防清因之潮梅治河處并鑿水準石舊有鑄鍋廠亦土產輸出之小市集也小石溪水發源糖干腹及歌棟山多產綠竹至溪口穿石梁合流入江

江水又南有大石狀如狗蹲立江中故名石狗東岸有明吏部郎中唐伯元理學名賢神道石坊墓在山內石狗溪水發源天策深坑嶺諸山中流三十里至蛋家灣而合其地多產苗竹綠竹大段荒山尤廣土質肥美豐順建設促進會曾勘定米篩潭礮水利用水力設造紙廠並廣植竹材製紙未果行溪水又西逕雷公坪出石狗頭東入於韓江

江水又南逕站口產溪驛下豐溪水自西來小產溪自東來注之產溪驛清雍正四年裁廢今其地歲課租銀一兩二錢有奇明郭子章詩所謂產溪驛前洞隘路已開猿鶴時相狎者此也小產溪水源出天策南澗逕跌馬石小產村上官雲相曾流寓其間屢月留聯句頗多江水又南逕峽口兩岸連山峻削猶狹水深倒流風濤長靜又十里至于隘隘亦名萬江東岸爲東隘鄉西岸爲西隘鄉隘市在岸西當水陸之衝宋代有鱷魚窟宅江中尾食鄉民張章潮州府通判陳堯佐捕而戮之作戮鱷魚文故其地有網鱷溪之名紹興二年復置揭陽縣初下地隘隘爲城治旋乃改建玉窖明設千戶所提調潘隘產葛屯田清建屯倉設隘隘汛有營房九間咸豐四年古聲揚倡亂隘隘營倉皆被毀舊有寨綠球

豐順縣志

卷二

地理志

五

汕頭鎮字局梅縣分局承印

山築牆山嶺山有亭園之勝民國十七年邑二四五區人士李介承等設珠山中學於山上旋街市亦改建騎樓馬路商業頗盛產草蓆最著名有銀行警察所稅關商會郵政電話之設置亦韓江岸一都會也東流溪水一發源天策出仙澗至大錢一發源鳳凰山之分水門經鹽坪茅裡與大錢之水合流西穿草洋橋逕居林在芝深村凡三十餘里至下埔東入於韓江

江水又南其西岸有九河水注之九河水上游爲潘田溪其源有三一曰北溪水源出尖筆山經石坑寨下凡三十里至潘田舖一曰南溪水源出石合經湖背南溪村穿石橋出潘田舖其地明設潘田司巡檢署乾隆五年改爲豐順縣典史近有石古磴巨石嵌空奇峭逾丈俱神座左一石似豬右一石似羊前一石尤峻清邑令秦泰書鐫翠二字刻其上溪水又南穿大石橋北畔有一寺橋有亭林之勝逕潭角壩冷水舖繞黃京潭至白墳舖其上有古頭凹要隘明設北關鎮清改設木頭凹汛有營房五間民國二十二年築豐順公路毀其隘白墳舖有石橋長二十餘丈爲隘隘通湯坑孔道其西有發源牛牯石凹溪水經君子塘藏蓬合流又東流爲隘隘溪入九河鄉界逕高沙小湯九河村出淞下其村有過山高千餘尺形勢險峻明季諸生鄭善義築砦山巔鑿井開路潮州大亂避砦內者數百家海陽辜潮采陳衍慶吳元昌諸名流皆至焉山上有南劍門北劍門之險溪至淞下水始平通航舟楫又三里至溪口西入于韓江

江水又南逕葛布而西折有糖溪水注之糖溪發源標迦嶺銀坑經巢下鄉出嶺溪廢圩東流舊有巢腳

汎建營房五間烟墩一座乾隆末鄉民朱阿姜因拾獲鐵劍詭言天所賜劍入地即變土爲銀伯知黃沙田產錫衆試之果如其言乃煽惑遠近鄉民拜會謀作亂官軍擒斬之鐵溪圩爲各鄉衆建後爲洪水冲塌乃改建海陽縣境即今田東圩近實施新縣制劃鄰近六村爲鐵溪鄉謀建後圩場設學校鄉自治所於此溪水又東流逕金剛石有發源雙山祖龍潭大凹之茶背水自南來會又源出坪那之南坑水亦來會三水合流逕田站出溪山野航可泝流上溯鐵溪圩凡三十里溪口即潮安與縣境分界溪水自此入一韓江

湯溪水爲湯坑屬之巨流發源猴子巖合韓山巖之水穿蝦蟆落井石梁出深坑村有源出齋公田之水合蚌潭裏石門坑錫坑諸水注之逕下溪子其山有瘦牛嶺方輿記要名雲落山舊傳有銅鐵佛像寶貝之異宋黃公度過瘦牛嶺詩所謂時平四野皆青草此地何曾見瘦牛者也環近鄉村舊志名寨前常地稱斗牛鄉豐揭省道所經建新圩於溪北又南流十餘里至石橋頭之尖筆尾與礮下溪水合流其水發源石子潭全飛泉嶺懸崖百丈水飛空而下如銀河倒瀉巖側舊有攬勝亭藍田書莊宋鄭國翰進士講學處朱晦翁嘗訪之手書落嘆鳴泉四大守磨崖有詩記之飛泉嶺西連雲焦寨產磁石水逕豐節寨與源出伯公凹之南溪水合流經何屋寨山上巷前又逕高沙錫灘凡四十里至坪城其北有粉石嶺其石可刻印章酒器玩具之屬其嶺亦產磁石溪水逕東里田心邱屋寨間有焦潭石湖左嶺諸水合曹寨水南來注之水又東逕湯坑市其地昔有小山溫泉出其下明季吏部員外郎羅萬傑

豐順縣志

卷二

地理志

六

仙頭獅子山梅社分屬永興

更山建金湯寨招商資其租稅以練兵勤王謀匡復時溫州推官柯化鵬築金鼎寨舉人楊宮依大山背築金甌寨方爲犄角迄今成爲繁盛市區清江蘇巡撫丁日昌復倡建藍田書院育嬰堂石碑街有丁氏祠祠前有古木一株枝幹杈桮無葉而牛歷久能長其實似柏非柏究爲何木名亦未詳也市溪帆樯雲集豐揭省道車站在焉有銀行縣倉警察所商會鎮公所中小學校英法各教堂各種工廠機關林立水陸交通縣南之一大都會也市南有臥虹橋橫跨湯溪長四十餘丈水穿其下又南有汶文東來注之其水發源牛牯石凹西及飛龍礮合流至梅子壩近溪產錫鐵礦其東吊鐘山亦產錫又東逕橫潭埔而鄉有源出棋坪嶺之循洋水流三十里至雙河壩合流埔有文祠清季改設東海學堂今埔頭鄉公所在焉雙河水繞金甌寨山下折向西流是曰汶水橋其上豐揭路車輛所經湯溪至此其流益大又折而東逕湖下銅盤有發源烏石巖茶頭溜圓墩凹諸水俱至李屋樓合流北來注之湯水又東逕羅家約羅氏自宋代居此人口幾及二萬爲邑屬最大最舊氏族文物亦盛溪岸有明隱士羅紅釣台望牛石諸古蹟八角池龍山逸老菴諸勝菴爲明季羅萬傑盡散諸勇健後逃禪所築有園池花竹之勝雪樵上人以逸老菴題其門在菴草衣蔬食三十年足不入城市清初屢徵不出邑令勸駕作詩答之有云昔陽亦屬周疆士敢消食薇不是恩著有膳六堂集世比之謝枋得湯水又南流至龍車溪有宮下埠溪水自合山口西來注之其源出杞梓山流十五里經大羅橫坑又三里至宮卜埔有源出赤草洋雙髻洋之二水逕菜芝鄉北流十餘里合發源東坑嶂之埔寨水東逕塔下村出合

山口與湯水合流逕揭陽之新城入于揭陽河

八鄉水發源蟾蜍田符箕坪之交流十里至龍嶺下又流十里至戲子潭有源出風門凹經大竹園凡二十里北流至石岩田合發源貴人村逕背頭磴七娘灘各五十里之水出灘下貴人村山因陷萬安郡丞陳洪所居其子政拜唐玉鈴衛副府左郎將統領南行軍總管政子元光爲豹衛衛大將軍屢世貴顯故以名山產鐵礦清代有冶鐵十字爐一座符箕坪產硫磺礦灘下亦名火灘有溫泉溪畔有魚鉢每日有游魚躍人可取故名嘉靖末山寇蘇繼相等聚八鄉山谷總兵郭成督師勦辦至小灘遇七婦人渡水告以賊巢所在并進勦日期後平賊如其言爲立廟於灘上里民至今祀之其灘亦名七娘灘有發源夜飯溪逕下溪小灘凡二十五里至此合流灘下水流十五里逕青溪黃竹磴又十五里入于揭陽之陂頭墟舟楫可由陂頭下泝至青溪入鄉土產悉集散于青溪之畔轉運入揭陽各地

徑心水發源二字石繞徑心圍出黃竹坪逕磴渚裡凡二十里流至兵營子出縣界又西北流入于興甯縣之下堡

葉田水發源有二其一爲旱溪自箭竹凹出大歧嶺一爲數溪北出至大歧嶺下合流逕葉田村至佛子科界梅縣境入于爺坑大河

(五) 氣候

暑度

豐順縣志

卷二

地理志

七

汕頭錄字局梅縣分局承印

豐順縣二十三度五十四分偏西七分

阮通志

豐順縣輿地東經

度

分北緯

度

分

英國教會牧師
蘇融測定

案攷成上編云一歲之中同一節氣而京師與各省時刻不同此則東西里差之故如廣東省市偏西五度潮州府治偏東十分豐順縣治偏西七分所交節氣時刻各有遲早之不同因東方見日早故節氣遲西方見日遲則節氣較早其時刻之差度視偏度之多寡每偏一度得時之四分以邑治偏西七分依法推之得早二十八秒此則取每年時憲書所載北京各節時刻或南京各節時刻爲主以二十八秒例推之即得每年各節氣時刻此暑度之關係氣候所當知者也

星野

大清一統志潮州府天文牛女分野星紀之次

廣東通志潮州府天文牛女分野星紀之次

阮通志

案星野之說始於周禮保章氏以土星辨九州之地所封域皆有分星以觀妖祥鄭注云其書亡矣故後世星野分度之說多有不同春秋元命苞曰牽牛流爲揚州分爲越國韓昌黎曰百粵之地具次星紀其星牽牛明史天文志廣東布政司所屬潮州府牛分元枹之次也此皆主牽牛一星爲潮州之分野也阮通志上牛女二星分野本於一統志與前漢書地理志粵地牽牛婺女之分野宋史嶺南當牛女之分同惟唐書天文志本僧一行論謂南斗爲吳分牽牛爲粵分婺女當九河未派比于星紀與

吳越同古故廣州九郡皆屬女惟廉州屬翼軫云是則主二星與主一星分野皆衆說各別但潮州爲粵支郡豐順又爲潮州支邑以全省地面論之不過一彈丸黑子其爲星分幾何鄭樵謂古有分星無分野分野之說不必泥近世亦但言推步多以星野占候爲迷惑而刪削之今姑從通志謹存其說以符舊例

寒燠

五嶺氣候多煥少寒忽煥忽寒其大較也潮州處省之東北豐順又介萬山中寒較多於他邑自冬至而正月寒煥常相半一日中往往遷改不常若大風陰雨嚴霜勿論卽盛暑有風雨亦寒深冬時霜白如微霰結薄冰高山見雪乃邑屬所僅有也曉行山多大霧不辨前峯日高始散三伏暑氣富午爲甚惟去海爲遠濕蒸爲少免耳（參萬志阮通志修）

案縣境寒煥今昔已見改變光緒以前深冬晨早常見薄冰村童每晚以碗貯水置屋簷下翌晨卽凝冰取爲玩戲迄光緒十八年十二月大霰三日四山皆白如銀積地面厚二三寸烏雀多凍死屋簷樹枝冰玲垂溜如玉簪實所罕見故老言道光時歲十月田水卽凝冰霜則經冬不歇但近數十年來並冰霜亦少見蓋氣候中寒而變煥者漸矣卽酷熱亦視昔爲減霧則春季獨多遇陰雨尤鎮日不散夏秋惟有朝霧但無瘴毒冬霧惟韓江常見天將曙往往霧縠平鋪江岸恍如雲河及曉光則簇簇躍起旣而紅日東上忽如萬馬奔馳下封岫嶺而地面已山淨河明山中夜坐天明便見此奇觀視泰山觀

豐順縣志

卷二

地理志

八

汕頭縣字局梅縣分局承印

日出又一奇景矣屈翁山云粵無雪或見霞以爲雪見霜以爲冰見白霜以爲雪以爲珍珠也而不知其爲白雨也然此亦就廣南言之若邑屬亦如揭陽志云三冬不雪惟見霞以爲雪耳霜與冰固有之然近數十年來歲不過爲霜數次若雪僅偶一見之其大者如鵲卵小如水粟而已

歷經寒暑表最近測驗冬季極冷時降至華氏表四十六度夏至極熱時升至華氏表九十五度若春夏三四月秋冬八九十月間溫度通常爲六十度內外故俗有世上難逢三九月之諺又諺云十月小陽春無雨暖紛紛未食五月粽棉襖不入囊其暖和可見也

風雨

春夏多雨秋冬多晴冬多北風春夏秋多南風其常也甚雨烈風惟夏秋有之夏秋之交南海常有颶風邑屬山重嶺複亦或拔木害稼然比潮汕沿海爲輕若霖雨復繼以暴雨則山溪暴漲四鄉往往成災韓江沿岸低窪之地尤常爲澤國光緒二十七年六月沙田鄉一水之災光緒八年五月及民國二十年六月豐溪一水之災俱暴漲四五丈漂沒人畜蕩毀田廬皆積雨暴漲山崩水湧之所致也草可占雨鵲可占風白草蔓生必近有大雨鵲巢低枝則歲多大風老生常談實由經驗

農諺有之曰早禾望風時番禾望秋霖嶺南錄粵當五六月忽雨忽晴謂之風時雨晴天片雲雨頃刻至者謂之白掃雨早禾沾風時則苗必長秋霖卽夜雨故農家有秋霖夜雨強担糞之諺惟早禾多夜雨則有不實之災番禾初播多風時雨則禾必出穗所謂苗而不秀者也利害絕端相反如此

廣東通志以夏至後逢辰爲分龍日占候書以四月二十日爲小分龍五月二十日爲大分龍花縣志以六月二十日爲分龍石窟一徵芒種夏至前後逢辰謂之分龍日是日視雨起何方定某方來則分某處之龍自後雨必起於某方若他方起則雨必不至分龍日忌損糞桶蓋分龍皆宜雨不雨則歲歉俗忌糞桶恐其穢致龍遠避云邑俗亦爾但分龍日悉以月曆所定爲準農諺又曰東嶽西閼湖洋晒鹽垢言電光東西閼則無雨湖洋即水田鹽垢猶龜裂也其早可知又云驚蟄未到雷先鳴四十五日晴大門此言陰雨連綿之徵又立春晴一日耕田不用力言立春日晴則風調雨順也又一年四季莫逢甲子雨夏甲子雨搖船入市言逢甲子下雨則一旬必多雨以夏季爲尤甚也又久雨逢庚晴丙丁相拘戊己開交言丙丁一日晴一日雨則戊己日必晴也又朝看東南暮看西北言欲知明日之或晴或雨觀察日落時天西北有無開朗欲知本日之或晴或雨先觀朝日東南之能否開明黑暗則雨開明則晴也又夏至禾可試禾到立冬死言早禾則夏至可食新穀番禾至立冬必收穫此一定之公例也

月令

鉅琇越脈載廣東月令正月二麥黃木葉微脫二月蔗初芽歲季輪粉木棉舒英四月佛桑紅綻高榕盛日五月荔枝丹六月白雨足暑瓜入饌早禾乃登七月秧針重碧龍眼熟十月耕牛放閒銀河夜見十一月桃李花鵲鵲散葉十二月蚊不絕吟

案越脈所記多廣州月令其氣候與嶺東有差黃香鐵石窟一徵特刪其不合者故非全文本志仿之

豐順縣志

卷二

地理志

九

汕頭鎮字局梅縣分局承印

邑屬三月苦瓜已入饌五月早禾已常登穀揭陽縣志月令亦與越脈所記有異茲並錄之取其與邑俗相近並刪其歧異者

春正月桃李花盛桑桑可採二麥黃老圃種薑剪韭田功既興

二月雷發聲虹蜺見魚苗生木棉橘柚華是月也以農功畢作

三月溫風至梅子熟催耕鳴田蛙鼓吹

夏四月榴火明榕成陰紫菱照水樹蘭綴珠百雨以時至

五月朱李熟蟬大噪鈎割鳴年早禾登場

六月白雨足雨潦至廬母乘潮芭蕉垂荔支早熟是月也新穀既登畝播晚種

秋七月秧針碧蒼田浮蝴蝶營繭是月也暑始酷鏢石流金

八月木芙蓉花梨栗熟芋可剉粘始穫河豚乘潮至

九月紅薯登白穠落菊有黃華

冬十月嶺梅開橘柚垂黃是月也霜始下氣乃寒

十一月桃始華冬笋出風漸肅鷓鴣散葉畝田播種是月也農斂穀屯田潤塘以漁

十二月水仙來賓梅乃大放風蘭賀春青陽漸暢草木萌動

案關風月令皆青聖先賢所以記時物之變態明稼穡之艱難雖草木蟲鳥之微春夏秋冬之候不遺

纖悉列諸六經具有深意重農貴粟爲農本國根本至計將欲促農家之力穡必鼓舞農事之興趣使力田勸學同爲韻事之生活如曾國藩所謂朝看露上禾巔以爲樂者則四時異趣興味盎然咸有以自快慰而忘其勞非徒爲談助而已故備錄之不辭繁瑣固爲粒食者所常悉亦官斯土者所宜知也

豐順縣志

卷二

地理志

十

汕頭錄字局梅縣分局承印

大事記一

邑人李唐介承甫編纂

乾隆三年置豐順縣

乾隆二年總督鄂彌達閱邊游潮州以海陽縣之豐政都巖各險阻又距縣治遠奏請置縣因明降慶川設城於豐政都之陽田駐通判令仍其舊城修葺之以四境尙狹遂割揭陽嘉應大埔地益之奉欽定名豐順縣

改撥潮鎮城守營守備千總一員移駐新縣

建縣初原移潮鎮左營游擊帶千總一員兵三百名駐守旋以左營同駐嘉應始議改撥以衛署甫建撥兵未定仍駐潮州城

十二月二十一日新任豐順縣知縣王如珩到任

四年知縣王如珩籌議將舊城加高並加開城東門

春三月落磯

秋九月知縣王如珩奉旨引見離任縣篆由揭陽縣知縣張薰兼攝案王令到任未久規制未草創至是縣事復由揭陽縣令兼攝建縣亦僅有其名而已

五年兼縣知事張薰奉文查勘縣域詳准免拆饒平縣鳳凰社地建縣初議增拆揭陽饒平嘉應大埔四

豐順縣志

卷三

大事記

一

汕頭鑄字局梅縣分局承印

縣地張薰奉文查勘後以原拆饒平鳳凰一社距縣治百八十里輟長莫及詳請免拆奉准

設豐順縣典史以潘田巡檢司改設

案葛志潘田巡檢司乾隆三年本文裁缺五年改設典史七年任王喬爲豐順縣典史惟海陽志府志阮通志俱作乾隆五年裁缺葛志職官表無典史許志續職官表典史王喬下注乾隆三年署任七年奉文實授不知三年置縣五年始裁潘田巡檢司改設典史缺既未設缺何從任官署理證以府志通志海陽志七年任王喬爲典史之文則許志之失考臆斷可知殆因葛志五年裁缺之五字誤作三字所致

六年三月知縣王如珩回任

王令回任後始規劃創建文武各衙署及廟壇祠宇詳司具題准部覆動工建造據山家編阮通志豐順文武衙署及壇廟祠宇均于乾隆六年規劃惠潮等事案內具題部准覆動項建造七年創始則知縣王如珩繼任則知縣葛曙也

設豐順縣訓導委謝鍾興署之

七年大旱

十月彗星見

創建典史署於縣署右畔

豐順縣典史王喬到署

建屯倉於陷隍慈祥巷上畔

創建常平倉於城東門內

八年知縣黃以弁建城隍廟前軒並建養濟院於南門內城隍廟右側

建兵房六十間於城東門內

六月大風

九年知縣葛曙創建學宮於北門外西偏

案學宮初擇地於城西北新菴嶺紳民俱以爲大偏適惠潮嘉道張士璉蒞縣邑紳請移建吳少師大平公館以原址建學宮經邑令黃以弁詳准因先捐貲移建公館於北門外東偏旋由譚溶捐獻毗連屋地三間葛令乃依各原址興建

十一月重建關上嶺關樓兵房工程告竣

關上嶺原名伯公門順治初邑人吳六奇鎮饒時捐建關門書金湯鞏固四字刻石於門並立碑記開縣奉文修建重起關樓七間下設關門兵房

十二月修築城垣城樓開東門工程告竣

明隆慶初築城僅開三門乾隆四年議增高城垣加開東門

豐順縣志

卷三

大事記

一一

汕頭錄字局梅縣分局承印

十年建千總署於城西門內並增建東門內兵房

建縣初撥千總一員駐縣以未建署仍駐潮州城至是始添建兵房二十七間

建演武亭於城西北校場

建栖流所二間於養濟院側

知縣葛曙奉文建約亭於北門外並建忠義節孝祠於亭右

增建城隍廟前後殿左右廊

建風雲雷雨山川壇於北門外之安墩嶺頂

建社稷壇於南郊建先農壇於城東北一里置籍田四畝九分於壇前

建厲壇於城東一里

秋九月建造學宮先師廟崇聖祠等工程告竣

冬十月知縣葛曙編纂豐順縣志八卷並捐貲付刊

十一月建造吉嶺關工程告成

十一年春二月知縣葛曙以安敦書院落成作記立碑（後改名鵬湖書院）

葛令曙屢謀建立書院難其地十年秋乃擇定安墩嶺捐俸爲邑紳倡遂於乙丑冬十月興建至本年

丙寅春二月告竣爲作安墩書院記刻石立碑于院內

三月十一日知縣葛曙奉令調補新甯縣離任邑人遮道歡送之

案縣治新建歷四五年規制猶未備百廢待舉葛侯以名進士知縣事三年之間新邑規模燦然大備况判四邑偏隅成縣礦徒聚伏尤疲繁難治侯乃教養兼施釐訂條教而吏給民和雖黃霸何以過之乃借寇本遂宜邑人之遮道攀轅依依不忍如離慈母也

十二年秋九月十四夜火延燒城外民房舖戶損失甚鉅

蠲免丁卯全年錢糧

十四年奉文更定旌表節孝

早晚兩季稻禾豐收

十五年奉文弓尺盆縮之禁凡祈懇升科之田務遵部式不得仍用小齊之弓春季大饑

四月朔大雨韓江水漲

夏六月早禾豐稔

秋八月二十四日未時豐溪水溢淹斃男婦一十六人浸塌民房一百十六間

晚禾豐收

十六年大小墾墾葛布產溪小產晚禾被蝗

十七年詔開恩科給老人布帛粟肉有差並大赦有行詣者祥舉給八品冠帶江令廷隆舉黃花村耆民

豐順縣志

卷三

大事記

二

汕頭鎮字局梅縣分局承印

李元發奉旨授修職郎賞銀四兩以黃緞裹之發下潮州知府張薰傳其孫庠生李經文赴大堂宣旨頒給稱四兩銀子雖少出自皇賞匪輕可見承平恩禮隆重之一斑矣

秋八月初三四等日大雨大小墾墾葛布產溪小產民屯田被淹共二十六頃九十二畝

二十年知縣江廷隆建龍王廟於安墩嶺北麓

二十一年夏湯坑寨有白馬成羣夜出食禾稼驅之不見

二十三年春正月十七八等日雨雪厚積寸餘嚴寒無異北京

二十四年早禾豐稔

秋八月十七日戌刻月旁有五色雲

二十五年詔開恩科給老人絹帛米肉有差並大赦

二十六年秋八月二十七日大雨溪水陡漲入城移時乃消

冬十月晚禾豐收

設湯坑巡檢司於金鼎寨

二十七年正月初一日元日日月合璧五星聯珠

二十九年春旱

三十年六月大風雨

三十一年六七月彗星見

三十四年夏大水

三十五年春大水

詔開萬壽恩科給老人絹帛米肉有差並大赦

夏秋大水韓江漲縣屬沿江浸

三十七年停編審造冊

諭編審人丁舊例原因生齒繁滋恐有漏戶避差之弊是以每屆五年查編審造冊以備攷核今丁銀既皆攤入地糧而滋生人戶又欽遵康熙二十五年恩旨永不加賦則五年編審不過沿襲虛文無裨實政况各省民穀佃數俱經該督撫於年底專摺奏報戶部覈實具題付之史館紀載是戶口之歲增繁盛俱可按籍而稽更無籍五年一次之另行查辦徒滋紛擾嗣後編審之例著永行停止

四十二年恩詔蠲免直省錢糧年分三載庚子年免到粵

四十四年詔開恩科給老人絹帛米肉有差並大赦

四十六年蠲免錢糧

五十三年詔以今年戊申作正科明年己酉作恩科

五十四年諭禁販紅鹽

豐順縣志

卷二

大事記

四

汕頭鐫字局梅縣分局承印

五十七年知縣秦泰建文昌閣三層於安教書院

五十八年蠲免廣東地方錢糧

外夷八國進貢

五十九年詔開恩科

六十年大饑斗米錢千文

嶺下鄉奸民朱阿姜作亂捕斬之

朱阿姜素狡詐好獵因在山拾得鐵劍並符咒一冊知附近錫坑坪產錫欺誑鄉民謂吾劍乃天賜入地土皆成金寶試挖探其土果鑄成錫塊鄉人皆信以為真遂到處招人入會召集夥黨結黨謀不軌其毗連海陽之鴻全田東揭陽之坪那五房各鄉民悉被誘入會聲勢甚張道府鎮派員卒兵巡往查辦突被戕殺乃派大軍進剿朱阿姜匿澤布巖中卒被擒獲斬之並搜獲入會名冊查悉皆屬農民被惑當道寬免株連事平乃設汛駐房

設置軍脚汛龍潭汛銀坑汛伯公凹汛兼轄藍屋角汛

朱阿姜事平後道鎮府以嶺下山深地僻為善後計設置軍脚汛駐把總一員安兵二十名並於龍潭銀坑伯公凹各設汛房安兵五名仲坑山之藍屋角汛原駐額兵三十名現減為二十名統由駐軍脚汛把總兼轄

嘉慶二年春旱

夏六月大水

四年冬十月諭實力編查保甲

恩加廣東鄉試額二十名

冬十一月諭豁免乾隆六十年以前積欠緩征地方銀米

奉旨建縣民吳啓紓妻譚龍姑過門守節貞節坊

五年詔開恩科給老人絹帛粟肉有差並大赦

八年秋大水江漲害稼

冬霪雨

九年春夏霪雨米價騰貴

十二年夏四月禁地方官擅造非刑

十三年春夏大旱自三月至五月乃雨

詔開萬壽恩科給老人絹帛粟肉有差並大赦

會試進士榜鄭家蘭中式欽點翰林院庶吉士

新建譚江墟

豐順縣志

卷三

大事記

五

汕頭鐫字局梅縣分局承印

舊墟原在對河溪西壩至是遷建潭江

十六年七月彗星見

十八年造滋生人丁冊

二十一年二月大雨有龍垂尾潮州西關外湖山右風雨騰沸湖水湧起毀屋數十間聞見錄

詔舉特科孝廉方正

舉廩貢王逢壽爲孝廉方正

二十三年詔開萬壽恩科

二十四年春二月詔免二十年以前積欠錢糧

詔給老人絹帛米肉有差有百歲以上者奏請建坊

知縣王奇雲建文昌祠考棚於城內東北隅

邑屬考試向借縣署學宮坐號不敷士子來往兩地極爲紛擾王令奇雲爲倡議將守備署廢址改建

文昌祠兩廡爲考棚邑紳吳亦材張文芳等助成之

詔以歲貢作恩貢陪貢作歲貢

設隴隍巡檢司於隴隍墟

總督阮元巡撫李鴻賓以潮州府稅課大使缺奏請改設爲豐順縣隴隍巡檢司奉部覆准

二十五年建造縣治北八里文塔

道光元年大赦詔內外官加級給老民粟帛有差

詔開恩科廣儒學額鄉試額廣東鄉試加額二十七名

詔舉孝廉方正

豐順縣舉優生吳發研爲孝廉方正

建德政祠於考棚東畔

邑紳以歷任賢令有惠政者功德在民應予立祠崇祀碑垂不朽用昭激勸乃於考棚東畔建德政祠崇祀賢宰粟主並勒碑記必於去任後行之詳見金石門

四年韓江大水東隅一帶洪濤洶湧數百家不舉火者五日

五年秋八月彗星見長十餘丈十月始沒

六年奉旨旌建陳義章百歲坊並給銀兩

占頭壽民陳義章百有三歲祥奉奏准給建坊銀兩建石坊於里內題曰昇平人瑞

七年大旱自去年九月不雨至是年五月乃雨

八年平定張格爾爾恩詔軍流以下人犯概予減等要路橋梁奏報修理

禁用夷錢

豐順縣志

卷二

大事記

六

汕頭縣字局梅縣分局承印

御史張曾奏聞廣東省行使夷錢內有光中通寶景盛通寶兩種最多間有景興通寶大興通寶嘉隆通寶俱係夷錢揀雜行使內地奸民利其錢質澆薄依樣仿鑄請飭司嚴禁

十年夏六月定禁內地行銷鴉片章程三十九條

閏七月馬頭山崩拔木積壅白溪壩溪水暴漲大田社金吳溫謝胡數姓淹斃八十餘人譚姓死五人冲塌房屋三百餘間朱姓十餘人避屋後柚林被淹沒

十二年壬辰大饑

十三年癸巳又大饑

是時連年大饑餓殍遍野而奸宄叢生地方不靖

會試進士榜吳世驥中式欽點禮部主事

知縣丁曰生示禁服毒圖賴借命需索凡勘驗伏差雜費概由官給不准向被告需索分文勒石縣門垂示永例

建敦善祠於考棚南畔紀念捐建考棚好善紳士芳名

十四年知縣許炳倡邑紳吳亦材等建普濟石橋於城東北豐溪

秋八月查辦廣東械鬥頂兇各案

十五年諭將道光十年以前民欠錢糧查明豁免

十八年建善慶祠於城北門外紀念捐建普濟橋紳民芳名

二十二年夏秋澤雨

二十五年秋七月豁免道光十年以前民欠錢糧

二十七年邑紳丁日昌等倡建藍田書院於湯坑墟

三十年頒恩詔查明勤於耕種務本力作者地方官不時加獎以示鼓勵

咸豐元年諭將道光三十年以前民欠錢糧查明豁免

二年八月彗星見西北經月乃沒

三年六月韓江水暴漲冲毀沿岸田廬無算東隅爲尤甚

四年廣東各縣俱有三合會分佈到處拜會歆盟圖謀作亂

夏四月海陽縣吳忠恕陳平潮陽縣鄭游春等均作亂

秋七月吳忠恕等圍攻潮州府城邑紳丁日昌率鄉勇援救遂解圍

邑紳丁日昌率湯坑鄉勇三百名援救潮州府城進紮韓山書院九月十八日黎明日昌率勇從筆架

山渡凌角池破東津賊陣生擒百餘遂解東路之圍

知縣啟瑞直令城鄉舉辦團練

六月匪首古聲揚在贛陞作亂焚劫屯倉巡檢司署

豐順縣志

卷三

大事記

七

汕頭鎮字局梅縣分局承印

古聲揚糾集龍溪匪首管以均白溪匪首朱阿福海陽賊蘇友材等規龍溪潭姓倉穀踞之初三日復

進攻大田村

七月初十日古聲揚率各匪衆由大田直撲縣城爲官軍團勇堵截敗走

八月十五日古聲揚復勾揭陽賊林元愷紀阿鶴直至大田攻葉華復進攻縣城至上林坑爲官軍團勇

攔勦古賊授首餘賊悉平

古聲揚本五華流氓在贛陞賣卜暗中勾結各鄉莠民四出拜會結黨頗衆遂在贛陞倡亂古匪身穿

紅袍乘馬山贛陞襲龍溪嘯聚益衆規大田葉華直進攻縣城先爲官軍所敗復勾結揭陽賊首林元

愷等分路撲攻縣城古匪親率大隊由北路進另一股自東關進謀夾攻適雷雨交作豐溪暴漲不得

渡軍民隔溪開砲轟擊古匪中彈倒地羣賊遂潰時雙螺口張姓鄉勇在後尾擊斷賊退路東路賊方

進攻東關又爲仙洞鄉勇截擊兩路皆潰敗擒斬甚多遂撲滅之

七年大饑斗米千錢

九年春髮遂由閩趨粵邑境震動

十一年五月彗星見西方逾月始沒

同治元年蠲免咸豐九年以前民欠錢糧

冬十二月諭地方教官教崇士習

二年諭飭廣東嚴禁賭博

三年秋七月大雨溪河皆溢

秋九月髮逆陷大埔邑屬各鄉籌辦團練

奉文勸捐京倉助穀

四年髮逆犯饒平圍隍城嚴

秋九月髮逆復陷大埔縣屬北勝各鄉勇在旌墩及凹設防

冬十月僞康王汪海洋陷嘉應州縣屬城嚴

十二月僞儲王譚體仁率衆十餘萬自嘉應州南竄縣境至北溪村滅之

縣北界嘉應州北溪凹有徑渚隘迨一線羊腸下臨深淵懸崖絕險知縣錢誦清採義安公局紳士王步雲獻策聞僞寇南竄督鄉民先將該隘路掘斷時左宗棠督辦閩粵軍務駐三河知賊勢窮促謀四面圍殲之策檄官軍及閩邑廿二局團勇八千餘人扼守白溪分三路迎敵賊衆竄入北溪凹無路可通官軍利火攻法搗木大石齊下賊知坐困前鋒人馬皆墮澗死積屍山齊後繼者皆踏屍骸而過迨集結北溪村俾餘七八萬人因輜重全失無所得食相率薙髮易服潰散越旬日官軍招降收撫三四萬人遂撲滅之

步雲獻詩有逆髮梅州駐錢侯諭守關自分力量小常欲獻平憤及女子抒忠勇丁男大義明中興新氣象漢寇處昇平等句（見團防平賊記）

六年奉旨加豐順縣文武永遠學額各一名

豐順縣志

卷三

大事記

八

汕頭路字局梅縣分局承印

邑紳丁日昌任江蘇巡撫於棠核捐輸案內續捐銀壹萬餘兩奏准加豐順縣文武永遠學額各一名

七年奉文嘉獎北溪殲滅巨寇有功准加文武學額各二名

九年知縣馮寶封倡捐修學宮

建潮州府城鵬湖書院

潮州府城軍廳巷舊有豐順倉爲縣解營米所屯積倉廩久廢至是馮令寶封謀於邑紳捐集鉅資改

建爲登瀛堂敬學堂辦理賓興名曰鵬湖書院

十年潮州鎮方耀撥莆田書院銀五千兩置產爲經常費

十一年道鎮府撥銀三千元爲鵬湖書院經費

十二年五月大水縣城外北堤火神廟被冲塌

十三年邑紳丁日昌捐貲一千元道鎮府撥銀三千元爲潮州鵬湖書院賓興經費

夏五月二十夜有星如劍見西北逾時乃沒

六月二十二夜星門

潮州鎮方耀捐貲修築隍宮汶頭磯

光緒元年夏六月初五日夜有星大如盂尾長徑二丈

知縣李洪毓倡修築城西堤岸

諭隴隍司屬紳士建隴隍義倉

知縣李洪統修復潘隴產葛屯倉

知縣李洪統設隴隍義學

秋七月禁廣東圍姓賭博

四年諭嚴緝販梟私梟

七年五月彗星見長二丈自東北移西北而滅

隴隍紳士呈准潮州鎮方耀撥款築白流沙堤

八年夏五月連旬大雨溪水暴漲冲毀黃金市

五月大雨連綿二十九日豐溪暴漲水拔大松樹一枝衝刷黃金市凡舖戶衝塌一空淹斃商民四十餘人各鄉低窪民房田園多被淹浸

秋八月彗星見東南長十餘丈至冬始沒

揭陽善堂採訪縣屬節孝邑紳丁日昌稟奏奉旨准予一律旌表建坊

知縣許普濟諭捕湯二屬紳士各建義倉

秋七月十五日知縣許普濟率隴隍紳耆致祭河伯

隴隍沿江鄉村年青婦女投水自沉之風極盛連年死者百有餘人紳士陳期昌等憫之詢悉投江被

豐順縣志

卷二

大事記

九

汕頭鑄字局梅縣分局承印

救回者皆言願嫁河伯爲婦隴江見有綵舟來迎或見龍堂鱗屋異常壯麗羣信爲水鬼作祟因呈請

陳牲致祭河伯以鎮之祭後遂息

十年知縣許普濟設修志局

聘邑紳吳鵬等七人爲總分纂續豐順縣志

秋七月彗星見由北指南尾長竟天有嘯颺之聲

法人陷福建馬江

冬十一月弛禁圍姓

諭督撫安定捐積倉穀章程

十二年春二月總督張之洞奏禁州縣械鬥辦法

十四年春三月霪雨不止韓江漲浸

十六年秋八月十二夜有星大如盤墮東北角

十八年夏六月雨甚韓江漲浸

冬十二月嚴寒雨皆成冰百果草木多殞人畜有凍死者

十九年夏四月雨不止江漲

二十年春三四月旱五月乃雨甚

逕心堡村民劉官妹殺其父法辦梟首示衆

知縣鄧衍憲據報拿押劉官妹祥奉親自押解赴省起解時自鎖其轎槓既梟首籠回城外橋子頭示衆

秋七月初十日地大震聲若沉雷

是日自申至丑連震七次越日又震凡十餘次至二十七日乃止

我國以朝鮮亂派兵援助定亂遂與日本開戰海陸軍俱敗

秋九月初六七八九連日大風雨

二十一年夏四月地震

秋七月十一日地大震

是日自申至寅震無數聲隆隆聒耳至二十九日乃止

夏五月永安長樂會匪蠢動令各鄉舉辦團練

二十二年春正月地震

二月知縣鄧衍憲奉文建立韓江豐埔交界卡房配巡船一艘撥弁兵駐防

知縣劉銍德諭北勝社創建北勝書院

四月興寧泥坡墟會匪暴動縣城驚擾

豐順縣志

卷三

大事記

十

汕頭錦字局梅縣分局承印

時舉行縣試各鄉士人多在縣上寨村婦傳聞股匪南竄水口墟來縣大呼賊至喚夫回家縣令開試

院門回署士子爭相逃避越日潮州鎮派兵過縣勦辦匪黨潰散

二十三年縣學訓導何增慶開採馬頭中坑銀礦

英國教士紀多納探採入鄉火灘銅礦並發見金礦經鄉民抗拒遂止

二十四年春旱

三月二十八日地震有聲

閏三月至四月大旱

縣學訓導何增慶開採葉華社員子嶺銀礦

夏六月光緒帝銳意變新法

潮州府城試奉文改入股文試策論

西太后復秉政廢新法復試入股文

二十五年春二月頒行地方官接待外國傳教士事宜五條

冬十一月大雨雷不收聲

十二月奉文籌辦練勇抽收全縣柴炭竹杉捐爲練費

廣東釐金招承商包辦

大學士剛敦來粵籌餉招商包辦全省釐金每年四百萬兩旋改歸官辦

二十五年春天雨種子大如綠豆色黑赤經時始止試種不生

秋八月大風雨折木拔屋

二十六年總督李鴻章奏准番攤小園姓賭博承餉辦巡警

總督李鴻章奏鑄造銅仙每枚當制錢十文設鑄錢局

秋八月廣東停鄉試士子赴試中途折回

時值義和團亂八國聯軍入北京兩宮幸西安

二十七年夏四月詔照博學鴻詞科例開經濟特科

停止武科

知縣林兆鏞縣試始考七場

六月天雨雹成塊

八月諭省府州縣開設學堂

諭京師已設大學堂各省所有書院於省城內改設高等學堂各府及直隸州改設中學堂各州縣改

設小學堂

補行庚子廣東鄉試並舉行恩科

豐順縣志

卷二

大事記

十一

汕頭鉛字局梅縣分局承印

秋九月大水

奉行房捐法

復廢八股考試策論

二十八年春二月至四月旱

定州縣官接待遊歷傳教洋人法

外務部咨洋人遊歷傳教各州縣官於經過地方祇須聲明照約保護不得供給

二十九年正月始舉行提督學院考試因原任督學文治病故改任朱祖謀延期

奏定鄉會試中式額及各省府州縣學額逐年遞減

是科鄉試廢臚錄

總督岑春煊奏設兩廣學務處

知縣朱益洪設立豐順縣籌辦學堂總局委吳其瀚陳期昌爲正副局長呂紳籌議遵令改鵬湖書院爲

縣立高等小學堂全縣攤繳三萬元爲改築校舍購置校具圖書費將原有書院經費及資興產業撥

充常年經費

三十年奉文徵收典當活契稅

向例民間活契典當田房概免納稅光緒二十九年布政司胡湘林以庫款支絀請於三十年爲始月

典當活契每產價銀一兩征洋銀三分詳院咨部准行

兩廣學務處設立兩廣學務練習所師範館

學務處爲造就辦理學務人員令兩廣各州縣由官紳合選舉貢生員學行才識明達者二人貢送入所肄業俟畢業發給文憑鈐印派回原籍興辦學堂內選李唐吳祖理二人送省旋吳祖理辭不赴改派吳伯穀

夏六月滂雨兼旬初七日大雨沙田鄉北溪水暴發冲毀村市災情慘重

時積雨既久繼以其雨北溪一帶山崩水湧拔木冲塞磴下石橋忽暴漲四五丈占頭南洋沙田墟數十里皆被淹沒毀商店民房六七百間斃百餘人田園牲畜損失無算陷隍紳商朱秋江林慶等捐款振濟

三十一年止月改組籌辦學堂總局爲豐順縣學務公所

兩廣學務處訂行各州縣學務公所章程通飭實施後練習員李唐吳伯穀畢業回縣照章改組推丁培珊爲所長李唐爲內董事吳伯穀爲外董事邑紳邱瓊章力主改攷棚爲學堂免繳攤款三萬元李唐主先辦師範班俟一年畢業後開辦小學

設立師範傳習館改攷棚爲學舍以李唐任館長兼監學

三月知縣萬雲勛招攷師範學生八十名

豐順縣志

卷三

大事記

十一

汕頭師範字局梅縣分局承印

練習員吳伯穀倡設湯田兩等小學堂於城北李唐倡設自助兩等小學堂於南溪並建築校舍

秋八月詔罷鄉會議科試

知縣單夢祥諭潭江小勝產溪各設立保安局

時三點會匪首邱義山邱富山等竄匿埔豐毗連各鄉內山誘惑鄉民拜會肆行劫掠單令夢祥蒞任分往各鄉查辦親自擒獲鍾富山正法閱兩月肅清並督飭各鄉設立保安局

汕頭郵政局設立新渡郵政代辦所

冬十一月學務公所庶務張騰漢及鄒樹庸等倡設良鄉兩等小學堂

三十二年升孔子先師爲大祀

師範生徐重熙徐簡菴等倡設東海兩等小學堂

夏四月沙田墟天主教士佔商店設教堂邑紳李唐倡衆逐而毀之法國神父交涉不逞而去

定限十年內禁絕鴉片烟

廣東開始行使紙幣

督撫會奏廣東現銀缺乏派員往日本定製紙幣行用所有員薪兵餉搭成給發一切錢糧釐稅等項以紙幣輪納一面檄行布政司鹽運司善後處釐務處關稅處等籌撥現銀五百兩作爲基金發交殷實商號存儲以備兌換

秋七月依師範館校舍開設豐順縣立高等小學堂以吳伯齡爲校長將汕頭賓興店業撥充學校經費
原賓興款係攷得高等第一二名者經營最末科由前列第一第二名王家驥王惠和交出撥充
九月知縣單夢祥奉廣東提學司文提新渡戲捐爲自助學校經費

新渡埠向抽收炭捐演戲歲五六百元自助學堂校長李唐呈准提學司提充學費飭縣向提渡商罷
市反抗軍令自捐二百元勸渡商捐一次過三百元置產充學費

三十三年奏定學貢生攷職

政務處酌議學貢生員出路酌加優拔貢額攷用生員攷職爲佐貳分發各省試用

英國長老會牧師蔡融測繪豐順縣輿圖

李唐以小學教育請授粵士地理歷史需用地圖函請英國教會將原有豐順路線圖詳加測繪由牧
師蔡融担任訂約交付出版費五百元版權歸測繪人所有歸還地圖五百張爲交換並協助測繪限

明年出版

改豐順縣學務公所爲勸學所以吳伯齡兼任所長並設置勸學員

三十四年九月英國五經富教堂探採八鄉火灘金礦銅礦成色甚高

邑紳丁國樑集資開採佐嶺赤草洋煤礦旋以資乏中輟

知縣單夢祥奉文舉孝廉方正選舉吳伯齡

豐順縣志

卷三

大事記

十三

汕頭錦字局梅縣分局承印

九月十八日大水江漲

宣統元年春正月奉諭籌備憲政事宜期以九年實行立憲

奉文設立統計調查所以李唐爲統計所主任

廣東省設立諮議局

邑屬分五選舉區投票選舉諸議員初選人潮州府復選人丁培珊爲候補議員

始行簽中捐爲自治經費

元年冬設立縣地方自治事務所單夢祥爲所長委李樹棠爲坐辦

二年三月設立縣城巡警局以廣東巡警學校畢業陳烈爲巡官

秋七月設立豐順縣地方自治研究所以吳其瀚爲所長委李國昌吳秉淵爲教員

八月設立豐順縣勸業公所廣東省勸業所委李唐爲豐順縣勸業員兼所長

華僑徐榮豐捐實業政費三百元

豐順縣勸業公所劃分全縣爲二十六農區每區勸設農務會一所

九月大雨韓江巨浸隴墮小產葛布產溪受災尤鉅

知縣單夢祥勸業員李唐查勘水災詳請給賑

李唐查勘報告請將賑款改購麥種散賑勸各災區冬耕以補秋收損害隴墮葛布產溪小產種麥實

自此始

邑紳吳祖理李唐倡設農林公司

吳祖理等集股設豐順農林公司請領大陣坑官荒實行造林知縣單夢祥親往大陣坑勘丈詳奉核准給領並於縣城至鰲隍沿路遍植桐油樹

冬十一月設立豐順縣農務分會選舉李唐爲總理詳奉奏農工商部咨給鈐

知縣單夢祥設立豐順縣禁烟所

良鄉小學堂於校外空地建設墟場爲助學商團

廣東鹽餉加價

三年三月初一日永禁廣東一切賭博

先是總督袁樹勛欲籌鹽三百萬抵賭餉永禁賭博水成去任令諮議局議員蘇秉樞開辦安榮舖票各議員提議禁止乘樞賄劉冕卿等三十五人否決陳炯明等提禁賭議案物議大譁省垣鉅紳乃集議明倫堂欲乞兼督增祺電奏嚴禁增出奏稿示省紳陳伯陶陳謂禁賭不當籌抵爲陳其大概增從之續奉部議須如數籌抵六百萬然後禁絕伯陶復與省中諸紳籌商於鹽餉三百萬外復令士商加二百萬又酒捐加一百萬合六百萬未幾張鳴岐任總督伯陶與諸紳面爲陳請張以鹽餉加價在三年四月欲奏請於四月永禁伯陶謂士酒餉於正月加價不宜延緩辜粵民之望乃改於三月初一日

豐順縣志

卷三

大事記

十四

汕頭鎮字局梅分局承印

一律永禁奉旨允准閩省騰歡或曰滿清亡徵粵人正氣俱以禁賭案見之矣

三月二十九日革命黨人攻總督署

是日酉刻同盟會黨人黃興等率隊闖入督署拋擲炸彈與衛隊開槍激戰總督張鳴岐從署後逃去署廡多被炸燬黨人死者七十二人乃同墓于黃花岡是役邑人陳勵吾偕趙聲率部担任後衛進至雙門底前鋒自督署敗退得免于難

秋八月知縣鄭受康緝釘全縣門牌

十九日湖北革命軍起各省皆響應

九月韓江大水爲數十年所未見

十五日革命軍粵軍第四軍光復潮汕

時邑人陳勵吾任第四軍軍務部長與司令張立村及邑人李次白張鑑初吳琪等光復汕頭潮州知府陳兆棠偕降道鎮海陽各官逃避一空兆棠謀反抗擒殺之同時邑人饒公球李樹棠吳祖理與黃明堂組織明字順軍於江門聯合駐防江門防營營長邑人王爵臣率所部全營光復江門新會十七日邑紳謀響應潮汕革命軍集會議於勸學所宣告反正

時革命軍由汕頭入潮州邑紳勸業所長李唐倡議響應與勸學所長吳伯齡官立學校監學吳桂芳假勸學所召集會議邀知縣鄭受康到會表示意見鄭允從衆議即勸令具降表將印信兵財政權交

出議既定公推李唐吳桂芳二人爲代表資降表馳赴潮州與粵軍司令部商洽一面派代表監視縣府點交庫款槍械並定二十二日開全邑大會通告四鄉一律推舉代表出席旋李吳兩代表返縣向大會報告即按照革命軍政府臨時條例改組縣署爲安民局負責執行維持地方治安職權留鄭受康爲正局長公舉吳其瀚丁國樑爲副局長分設秘書軍政財政民政三課均推舉邑屬士紳分任各課長課員

冬十月初一日豐順縣安民局宣告成立

是日正副局長及各課長員一律駐局開始辦公所有典史巡檢城守各官及六房三班差役概行革除縣勇分別裁汰改編歸軍政課管理佈告全縣共維治安

十二日粵軍駐潮第四軍司令部加委吳其瀚爲正局長並呈奉廣東都督委爲縣長

原全正局長鄭受康辭職離縣回籍軍司令部委任吳其瀚爲正局長執行縣知事職權派隊保護鄭出境

雞異見邑屬各鄉訛傳雞翼生爪鄉民視家雞翼尖如爪咸宰殺之投廁中

二十日舊胥差煽誘改編縣勇暴動率十餘人闖入安民局大堂開槍不逞而去

二十七日縣長吳其瀚呈請辭職改委丁國樑繼任

十一月廣東都督府改委丁國樑爲縣長

豐順縣志

卷三

大事記

十五

汕頭鑄字局梅縣分局承印

十二月二十五日清宣統帝遜位

大事記二

邑人李唐介承甫編纂

中華民國元年一月一日 清宣統元年十一月三日 孫中山先生就臨時大總統職於南京始改用陽曆

成立臨時省議會旅省人士權舉徐簡菴爲豐順代議士出席

三月東北各鄉會匪蠢動

自縣城裁廢胥差勇壯暴動東北各鄉舊日三點會匪復乘機蠢動肆行劫掠兼以大局未定人心惶惑時生驚擾

北勝各鄉設立保衛機關各白維持地方治安

改革伊始縣府政令未能推行四鄉盜劫層出地方秩序時生紛擾小勝鄉李輔臣等倡設崇正會先後捕獲劫匪數名就地處死沙田鄉呈報捕獲匪首盧日清就地處決匪風始息

廣東司法司委湯池爲豐順縣專審員設立專審所貪污機亂

七月廣東都督府委張青萬爲豐順縣知事

設立縣臨時參議會以吳少蓬爲議長

二年廣東財政司通令換契展限三個月

廣東教育司委任吳桂芳爲豐順縣督學局長

豐順縣志

卷四

大事記

一

汕頭鑄字局梅縣分局承印

七月廣東獨立

自國會選舉袁世凱爲正式大總統後蘇浙贛閩粵五省聯結離中央獨立廣東省會通電檄袁世凱退位

八月龍濟光奉袁氏命自梧州率師入粵爲都督陳炯明出走

廣東巡按使署委王懋修爲豐順縣知事

縣長王懋修設立第四區黃金市第五區潭江市各警察所

縣立小學校長吳伯齡倡糾舉汚吏湯池撤之

三年一月廣東省通令撤銷縣參議會

財政部施行驗契辦法

令行地方鹽稅每百斤加價二元五角

二月令行規復倉儲

廣東巡按使李開銳令各縣查明原有常平倉義倉社倉若干座每歲積穀若干辛亥後有無損失應即詳查並會同自治團體商董設法籌款照原額買補還倉并限三個月通報以重倉儲

停辦各級自治

改訂地方自治施行條例

令行開征上差稅

縣長王懋修以奉行征收困難呈請免征并商同各團體機關請免未准旋由縣立小學校長吳伯齡上書痛陳邑民困苦情況始奉准豁免

四年十二月廿星見于東北

廣西都督陸榮廷率桂軍畧粵內戰復起

袁世凱改稱帝制滇黔桂蜀四省聯盟組護國軍逐都督龍濟光粵亂復起

改縣都審員爲承審員歸縣政府直屬

五年廣東督軍陳炯明以廣東自主運動省議會通過池賭禁邑屬賭風復熾

八月二日大風潮州沿海發生燐颶災情慘重

潮梅鎮守使莫擎宇撥派兵屬軍餉三萬元

十月莫擎宇與閩督李厚基瓊崖督辦龍濟光聯結及對廣東自主宣告獨立閩督奉北京政府令以臧致平爲總司令率師入潮援之

十一月南方七總裁政府令廣東護國軍總司令沈鴻英率師討莫擎宇敗之沈鴻英率師由惠州興甯擊潰莫軍後逕趨縣城進駐鰲隍惠州督辦劉志陸率部由海陸豐趨普甯進駐揭陽期夾攻潮汕時邑人李介丞自梧州銜密命助沈至潮與旅潮邑紳王懋修密謀聯同潮州紳商於沈軍抵鰲時謀利

豐順縣志

卷四

大事記

一一

汕頭縣字局梅縣分局承印

李旋至鰲隍集各界開會電王商各界分向沈賊疏通並各電互請息兵而和謀成賊致平星夜撤兵回閩潮州始免淪於戰禍沈劉以次進潮汕

七年四月三日地震潮汕大震塌舖屋多數

四月大水災黃金市警察所長李樹棠呈報縣長沈耀堂撥款八百元散賑

頒行訂定自治法

十二月廣東省議會選舉縣屬競選無議員

設豐順縣立中學以丁培珊爲校長

先是旅汕邑紳吳桂芳報告縣屬災情於汕頭籌賑會奉撥賑款三千元因散賑無濟于事商請縣長沈耀堂移作創設豐順中學經費委吳少蓬丁國樑黎瑞生等五人爲籌備委員以吳桂芳丁培珊二人爲主任委員後以丁培珊爲校長吳桂芳爲監學兼教員

八年七月兩廣巡閱使陸榮廷廣東督軍莫榮新以沈榮光爲援閩軍總司令邑人李介丞爲總參議時桂軍擁有兩粵以陳炯明駐漳州方拓軍謀返粵爲心腹患擬以粵湘贛邊防督辦兼南韶連鎮守使沈鴻英爲援閩軍總司令圖之沈以商諸總參議李介丞李力言圖陳有五不可無已惟有助陳逐李厚基混一八閩之策以全閩歸陳桂仍主粵當局皆納之沈改以其子榮光爲總司令當局慮不任復以李任參謀長爲助李力辭乃付以潮梅十縣缺得便宜擇人請委總司令部設潮州任由李用人

組織事無大小令榮光必取決於李但畫諾而已俾使與陳炯明聯結行舉李不得已仍以總辦兼

軍法長名義而行詎部署未就陳炯明許崇志已揮軍指粵戰端已啓桂軍率以致敗

十一月陳炯明逐桂軍自任廣東督軍兼省長

改稱縣知事爲縣長

九年設縣司法分庭置推事檢察官各一員

十年五月廣東省政府實行民選縣長及縣會議員

派黃鵬荐爲豐順縣選舉監督

民選吳鴻湛張之瀚何如珍三人爲候補縣長由選舉監督黃鵬荐呈報省政府奉圈委張之瀚爲縣長

縣議會成立選吳少蓬爲正議長譚逸凡爲副議長

王春圃丁鏡波馮熙臣張佐君鍾靈張騰光吳桂芳劉玉圃鄭秀階等二十人爲議員

十一年八月三日大風災

十二年五月二十五日粵軍陳炯光軍入縣縣長周震東棄職潛逃

時陳炯明與革命軍戰爭復起縣長周震東聞陳軍至上林坑于是夜四時將縣印置辦公桌上潛逃

代理總務科長曾應庸始收存之

二十七日粵軍第二師師長陳炯光委任邑紳吳鴻湛爲縣長

豐順縣志

卷四

大事記

十三年春陳炯明所部軍過境軍紀不肅全縣騷然

五月革命軍收復潮郡

三月七日縣長李毓藩棄職去師長李雲復委王五良爲縣長

縣立中學校長丁培珊逝世推舉王惠和繼任校長因之邑中學子情殷負笈而研求古文辭學者極一

時之盛至十五年秋以年老辭去校長席

十四年革命軍統一兩廣

指揮官翁騰輝率部至縣縣長杜石珊棄職逃去

七月九日縣議會呈請指揮官委王五良爲縣長

十五年國民黨始設縣黨部各區設區黨部四鄉遍設農會

改設地方巡迴推事官

九月豐順縣立中學校改爲委員制以王用光等爲主任委員

廢巡迴推事改設縣地方分庭

十六年縣立中學委員會學生分國民黨共產黨兩派鬥爭日烈共產分子四散各處宣傳赤化

三月奉令清除共產黨時共產黨人散往各處樹立農會旗幟受共產黨指揮抵抗政府命令

改分庭爲地方法院

縣城吳氏湯田自治會編練警衛隊五十名謀自衛

二十四日駐九龍嶂各處共產黨軍聯合進攻縣城

共產黨謀合攻縣城早爲縣府及附城官民間悉先事準備卒將各路共產軍擊潰惟滋蔓各處成難

圖之勢

八月豐順縣立中學廢委員制復道校長由王五民接充

湯坑設立中學校

賀龍葉挺共產軍自興梅分路略潮汕屬共匪紛起響應各鄉村刀弱者多爲所脅從

環清鄉設立治安會紳耆王惠和以共產黨煽倡設環清鄉治安會自是四鄰皆遭匪亂惟該鄉獨獲保

全

建橋鄉雙溪鄉治安委員會時值七共猖獗建橋紳耆張祝丞張彼淵等雙溪紳耆張健民張奮鵬等各

設治安委員會極力捍禦匪共地方得以保全

三月縣城鼠疫蔓延甚烈

六月二十二日第二四五區士紳會議於隴隍籌設球山中學校

時二四五區紳耆以共黨擾亂縣城道塗梗塞青年子弟無從升入縣中學因在隴隍集議合設中學

公推李介承爲校董主任兼校長以開抽三區柴炭竹木百分之二爲常費設備費另行募捐卽于七

豐順縣志

卷四

大事記

四

汕頭鎮字局梅縣分局承印

月十六日招考學生一百名借兩廣公學爲校舍李先向隴隍市商捐款八百元爲開辦費於八月二

日開學後始行籌集捐抽各款

九月縣長方乃斌召集二四五區紳耆及各聯防主任在黃金市會議設三區聯防總處以李介承兼正

主任三區各聯防處主任林史軒劉飲堂陳翊曹爲副主任

豐順二四五區聯防總處組警衛便衣隊

黃奪標率湯坑工兵隊援救縣城堵擊柑子窩匪股

王家驥爲豐順縣長 時共匪猖獗縣長離豐公推王家驥繼任

縣政府委任吳柏蒼爲勦匪指揮官督隊進剿各處匪巢擊斃要匪多名

十二月二十五夜三區聯防總處主任李介承調集各區警隊搜剿鐵坑嶂背匪巢獲匪七名

湯坑第三區黃奪標督隊進剿入鄉匪巢力戰不敵兄弟均殉難

十八年二月三區聯防總處呈請陸軍營長吳桂高搜剿銅鼓嶂匪巢

四月二十八日共黨劉光夏等糾集各股匪攻佔黃金市後進攻隴隍佔據球山中學大肆焚劫擄勒越

日午前官軍克復之

是日清明節假期球山中學員生先一日回家昨於午前四時襲攻黃金市聯防主任劉飲堂劉野廣

父子均被難十一時復襲攻隴隍警衛隊戰不敵匪據市區林史軒陳穆臣兩紳馳赴潮州商李介承

救援李乘夜請砲兵營潮安縣各抽調兵警共三百餘人乘電輪至葛布天明登陸分途兜剿二十九日午前匪潰竄獲騎馬匪首劉姓一名擊斃多名李介丞自古練截獲逃匪四名概由趙營長當場槍決

四月聯防總處請防軍營長陳子雄搜剿銅鼓嶂等處匪巢

五月三十日共黨劉光夏李明光等糾合股匪三千餘人分四路圍攻黃花村各守隘警隊及塘背嶺土堡均被攻破村警戰死者九人被擄七人村衆退踞礮樓堅守匪不敢入村內第五區中隊長龐斌率所部協沙田占頭鄉警馳赴救援始行擊退

共匪大股襲擊逕心駐防軍力戰始擊潰之

共匪抄襲小勝鄉李松南李竹君李慶階諸辦警衛紳耆以戰不敵皆殉難旋李衡甫李尙賓自潮州集兵始恢復之

韓江劫匪猖獗 電船來往每日被劫者三四起每一輪官被劫一三次商旅亦途損失不貲時邑人李介丞爲意溪埔豐竹綱總館主任乃聯合銀江和平汀龍杉竹紙行綱各會館及客屬各同鄉會輪船篷船各公會潮安商會倡辦韓江衛商隊護送船艙稱得力旋拓充爲一大隊

陸軍團長孔可權率部駐縣迭協湯田自治會及建橋環清等鄉警隊痛勦各匪巢所至皆大破之自孔團長可權部師長龍光先後率部蒞縣督飭附城聯防各鄉警四出搜剿迄二十一年縣屬匪禍始告肅清

豐順縣志

卷四

大事記

五

汕頭錢字局梅縣分局承印

十九年四月第五區聯防主任陳翊曹集合潭江沙田小勝三鄉各警隊會勦大勝匪巢失利全區震動五月二十一日股匪復襲劫隴隍市焚商店三間匪退去

共匪攻佔高沙鄉進襲九河鄉鄉衆力戰却之

六月股匪集結銅鼓嶂千餘分途襲劫占頭沙田兩鄉黃花村警隊馳赴黃沙溪截擊其中權始退復三面夾追大破之

七月劉得陞劉百泉等自意溪集兵克復黃洞復聯合魏鄉彭蓮舫白土劉振環在潮州募編第四區警衛一中隊與埔東訂約合力收復黃金市同時收復魏鄉白土設第四區聯防處以劉玉堉爲主任

自黃金市淪爲匪區第四區各鄉村紳耆殷富皆避居潮城意溪兩地時內戰頻仍屢經請兵勦辦不獲韓江交通又靡日不受劫掠意溪埔豐竹綱總館主任李介丞因既倡設韓江衛商隊乃與旅居各紳耆謀自力復鄉之策由意溪各竹館負責籌款商同衛商大隊部協濟槍彈員兵歸各紳自率回鄉先經劉得陞等收復黃洞復與魏鄉彭蓮舫白土劉振環等募編第四區警衛一中隊延羅克權爲中隊長遡返隴隍以匪衆未敢進促李介丞赴隴復與埔東鄉訂約聯防厚集兵力始進克黃金市魏鄉白土亦同時收復即規復第四區聯防處以劉玉堉彭煥新彭公權等任之再與二五兩區聯合封鎖匪區出入斷絕其接濟匪勢乃日蹙繼而譚逸凡謀復大田賴植亭謀復龍溪劉岳亭謀復葉華皆自

潮城籌集人槍先後各率同鄉協同羅克權率隊以次恢復自是二四五區各鄉村所有壯丁皆編爲隊員每一鄉村皆由衛商大隊部代募隊長任教練一律架設電話聯絡互援節節進逼一面懲惡匪黨以能携械取匪黨首級投誠者准其自新否則不准回鄉因是匪巢內部自相疑忌外匪相率離去既而江義利等亦謀復銅鼓嶺各山村由黃花村沙田龍溪各警協助之不期年均告肅清

北溪匪李豪先殺匪首黃炎而携黃金市聯防處投請自新自是匪巢多自相殘殺

九月股匪復糾集數百黑夜襲擊黃金市並兩次襲擊白土鄉俱經各鄉警赴援擊敗之

十月股匪襲攻大田村警隊激戰不敵遂復陷譚逸凡等率潮山次集兵始行恢復

師長鄧龍光率部駐防縣城痛勦胡子窩葉田黃竹畝各匪巢盡破滅之

德國教士賀允恭瑞士國教士萬寶全二人民國十八年在梅縣屬清涼山避暑被匪擄禁勒贖二百萬元牽動國際交涉各方無法起出幸有本縣第一區三角塘鄉自治委員會主席黎楚材設法偵查於十九年調集該鄉警隊並報請何縣長迺英派隊起擄並奉廣東民政廳令以黎楚材緝捕認真特給褒狀以彰勞勩

三月一日奉令實行新稅率每地丁正銀一兩統征毫銀四元民米一石統收毫銀十元折米一石統收毫銀三元

縣長陳耀寶改建縣署右廂房爲榕蔭齋

豐順縣志

卷四

大事記

六

汕頭總字局梅縣分局承印

改縣城警察所爲公安局委吳蘊珊爲局長

二十一年縣長張我東設立豐順縣公路處

開築豐湯豐興省道發行公路股票並按人口徵工築路

縣長張我東召集吳良雙方代表吳應秋吳冠球吳式黎吳克諧吳昌生張百榮張健民楊競華鄒魯生

黎楚材等十人在縣府會議三日解決懸案乃鐫立和平紀念碑並築亭於普濟橋畔

縣長張我東以廢萬壽宮遺址建築中山公園

縣長張我東增設警衛二中隊成立大隊所有餉械由各鄉籌繳

十月設自治區規定每區委員五人或七人選任黎楚材鄭介君徐影三馮臣五楊仲微等爲一二三四

五區區委員兼常務

復設縣參議會議員額十名選吳式黎李漢秋丁展鄭梓美劉志達五人爲常務委員

設立豐順公路分處於隘墘 興築豐順縣道金隴鄉道二線均按沿路線各鄉村人口徵工開築時各

區鄉村均設警衛隊加以廣東推行三年計劃計至梁國材任內止攤派款項多至十四種俾公路一

款攤額已達二十六萬元中經林彬任內雖一度裁減繼乃益甚

二十二年三月十一日縣長林彬召開縣政會議裁革攤捐各款多種

吳柏蒼吳式均倡築豐陂鄉道六里

豐順公路開始行車承商繳納路租年額三千元附加球山中學費五百元

五月三十一日縣長林彬巡視改築豐湯省道在山被匪狙擊斃命

豐湯省道南蛤龍岡一段崎嶇峻峻行車艱危東區綏靖公署撥款七千元令縣改築縣長林彬每日皆往巡視路上是日行至山窩林下突遭匪狙擊中槍多處當場斃命邑人哀之

縣長梁國材時奉令增加地稅縣參議會商同縣府實行清丈田畝每畝收稅二角計丈得一十二萬五千餘畝收費二萬五千餘元爲開支丈量費用

二十二年設立豐順縣城市政委員會委吳柏蒼爲主席

縣市舊日商店街道頗狹隘縣長並國材謀拆舊改良設立市政委員會以吳柏蒼爲主任實行改建

今制

良鄉市自復建後日漸繁榮奉令組設良鄉市場管理委員會以張伯榮爲主席

湯坑市設改良市政委員會馮熙臣徐麗光柯樹英三人任常務委員

縣立中學校長吳桂芳增設高中部

吳逸志中將捐贈高中部圖書儀器二千元

奉文設立民教館 借城西何家祠爲館室邑人吳逸志捐贈圖書三百餘元第一軍軍長余漢謀暨莫

希德李振球各將領及邑人王楚材丁培綸合贈萬有文庫一套

豐順縣志

卷四

大事記

七

汕頭錦字局梅縣分局承印

四月厲行清查戶口編釘門牌每戶收費二角或四角有差

二十三年五月改選縣參議會議員額十名互推朱遜卿爲正議長丁展李漢秋均爲副議長

改自治區委員爲區長制選委黎楚材鄭介君張禮亭馮臣五李紹逸爲一二三四五區區長

縣長梁國材令各鄉攤繳歸還東區綏靖公署改築豐湯省道款七千元

設省參議會選曹其華爲省參議員

二十四年九月設立救濟院及平民醫院院長羅廷鑑

第三區區長張禮亭倡建湯坑圖書館

二十四年縣長梁國材以縣行政費不敷九千餘元令各鄉按人口攤派限十日繳清

四月二十四夜土匪攻劫東隣鄉深村擄去男女二十餘人損失甚鉅

六月湯坑改良市政委員會奉命開闢馬路

九月駐防墮隍營長曾存三倡改建墮隍市馬路騎樓並建築義塚于上海市民德之爲建習公紀念亭

于河干

二十五年三月奉東區綏靖委員公署令興築豐埔軍路豐饒公路

縣長張際清設立新生活運動會

設立縣戒烟醫所

奉令設立豐順縣地方財務委員會第一屆選吳冠球爲常務委員一年爲期以後逐年改選

五月陳濟棠下野時政中央余漢謀奉命回粵

時余漢謀任第一集團軍第一軍軍長駐防贛南邑人陳勉吾任參謀處處長奉中央命率師回粵兼程前進陳氏見大勢不佳通電下野軍權由余氏接管師次北江勉吾乘機飛廣州與各軍事機關籌商接收辦法

二十六年五月廣州市會公安局局長李潔芝組警政考察團邑人丁培慈奉派參加丁培慈時任靖海分局局長奉派參加考察並任考察團書記周歷上海南京青島天津北平漢口各地而歸

五月裁區改爲聯鄉辦事處設主任一人及併區縮鄉

二十六年七月七日日本寇兵襲擊蘆溝橋中日戰爭自茲開始

九月大風雨害稼甚鉅

十一月設立縣衛生事務所

二十七年縣長張際清奉令設立抗日自衛團統率委員會委吳式均爲統率委員會主任召開全體委員會議全縣編自衛團六大隊十七中隊五十七小隊並設常備隊一大隊省會委派張奮鵬爲大隊長每鄉儲備隊兵糧食穀一百石

設立防空哨所

豐順縣志

卷四

大事記

八

汕頭鑄字局梅縣分局承印

六月廣東綏靖主任余漢謀派邑人丁培綸丁培慈赴南洋宣傳購機募款丁氏昆季奉派首途赴安南

暹羅英國馬來亞各地工作報人梁若塵偕行費時兩月餘共募得各地僑胞捐款八十餘萬該款由

廣東各界募款購機委員會接收保管

七月新陂鄉吳逸志中將蓬廬池蓮開並帶花

設立廣東省禦侮救亡會豐順分會張鑑初爲主任委員後改組爲豐順縣抗敵後援會

八月三十一日午前九時敵機第一次大轟炸縣城市

是日敵機八架自東南飛襲縣城投彈六十五枚炸毀新老市民房商店百餘間死百餘人傷百七十餘人學宮縣中學校均被炸

敵機轟炸湯坑市陷隍市

廿八年夏曆五月端節敵佔據汕頭後空襲警報頻聞敵機隨處濫炸

縣政府遷小樁辦公

奉令破壞縣屬各公路均按沿路線各鄉村征工工作

廣東第五區行政督察專員公署保安司令部自潮州遷設布心

第五區行政督察專員何春帆撥款令黃金市設立抗敵動員會

四月十二日縣長劉禹輪奉令修復豐隴路十日竣工十二集團軍總部傳令嘉獎

五月十日第四戰區司令長官張發奎總司令吳奇偉蒞縣視察防務駐節縣府

六月敵陷潮汕

八月縣長劉禹輪奉令建立忠烈祠以昭湖書院舊宇改建

防軍阻塞韓江曲灣河面令兩陷九河產溪潭江沙田小勝七鄉征取杉竹共值十餘萬元

澈底破壞豐湯豐興豐福豐埔四路公路及橋梁

羅家約羅翔初羅俊五等設立龍山初級中學

收設豐順郵政爲三等局

廣東省銀行設豐順辦事處十塘市

十一月縣長劉禹輪以糧價日漲勸民廣植木薯卽邑俗山上所植之樹子蕃薯

十二月一日奉令縣自衛團總部改爲國民兵團

廣東全省二十八年年度役政考績縣長劉禹輪記功一次

二十九年一月縣政府自小槎遷出保福寺辦公

廣東第五區專員公署及保安司令部自布心遷出小槎

縣國民兵團設自衛大隊委吳柏蒼爲大隊長

二月第五區行政督察專員劉志陸縣長劉禹輪召集全縣士紳會議籌設豐順縣地方建設促進委員

豐順縣志

卷四

大事記

九

汕頭縣字局梅縣分局承印

會舉李介丞爲主任張禮亭張鑑初鄭渭川吳柏蒼四人爲委員

專員劉志陸倡導築山塘墾山田種山禾山薯之三山運動謀生產建設督同縣長劉禹輪召集邑紳

百餘人會議設立豐順縣促進委員會負責推動會費由縣府籌撥卽借劉家祠爲會所

專員劉志陸縣長劉禹輪督同建設促進委員會李介丞等勘定東郊三板橋荒山爲墾植示範場興種

山禾山薯推委員吳柏蒼督同縣政警隊警察自衛隊墾植

建設促進會擇定楊門渠石坑黃花村及四公路線韓江岸各築山塘一二處從事墾田

專員劉志陸撥借各鄉築塘款三千元墾米三萬餘斤并商省銀行貸水利墾植借款黃花村先貸塘墾

款五千元

三月廣東省銀行辦事處遷設湯坑

四月斗米價十五元

同月十日廣東省潮汕區黨務督導專員許成業將辦事處由普甯移設豐順同年十月由豐遷揭

五月縣長劉禹輪召集邑紳會議開會設立公賣處以濟民食

專員劉志陸率縣長劉禹輪建設會李介丞視察二五兩區築塘墾田經勘定東隅鄉湯頭嶺荒山爲山

禾木薯墾殖場舉該鄉長范仰椿負責

同月十五日豐順縣教育會成立公推王乃宣鄭渭川吳思存王輯生李憲爲委員

北勝社三鄉組織水利墾殖聯合會于潭江舉李介承兼正主任洪嵩三黃善居李次光陳晉階等副之

三鄉墾殖區加入者一十八處調查決定懇田一萬畝

縣府奉令設師資訓練班招考學生一百七十九人限兩個月畢業派充國民學校教員

縣長劉禹輪建民衆教育館於安敦嶺

縣長劉禹輪奉令督率大隊長吳柏蒼帶自衛隊重赴八鄉習鑄烟苗並清查戶口籌設學校

專員劉志陸召集小樁民衆興築雷公塘墾田撥款協助之

專員劉志陸派技士梁孟熊縣府派委員陳奇英督辦馬圖墾田並撥款協助之

建設促進委員會以經費支絀商請停辦

七月奉令推行新縣制縣府召集會議裁區並釐定全縣爲三十鄉

縣長劉禹輪以木薯足濟民食已有成效復倡導木薯運動著說登報鼓吹民間廣種並撰木薯運動紀

畧見文徵

敵機再轟炸隴隍球山中學校舍及舖商店均被炸燬死傷多人

九月縣府奉令以衛生事務所及平民醫院改組爲衛生院委羅廷鑑爲院長

十月一日實施新縣制

設立豐順縣電報局

豐順縣志

卷四

大事記

十

汕頭錦字局梅縣分局承印

十二日省府政務視導團由黃教育廳長麟書率領蒞縣視察備致嘉獎並電請省府傳令嘉獎記功

黃兼視導團主任麟書蒞縣後過往小樁楊門集視察山塘旋回縣長劉禹輪專署秘書古無我民廳

視察王乃勛諸團員取道馬圖鄉視察坐田蒞黃花村視導李介承所築之丹竹峯山塘開闢行水及

遍視該村各墾田西坑村等處墾田備致嘉許並題名紀念復電請省府傳令嘉獎督辦紳耆李介承

饒公球王少堅等三人縣長劉禹輪記功一次

十二月一日實施裁撤第一二三區署同時改設指導員

省府舉行二十九年年度役政考績縣長劉禹輪記功一次

第五區行政專員督同潮安縣長吳履泰饒平縣長陳署木南澳縣長洪之政省府參議黃玉明蒞黃花

村視察山塘墾田並題名紀念歸途履勘嶂背村劃爲韓江企業公司墾殖場造紙廠地

縣長劉禹輪改球山中學爲縣立第二中學

三十年縣府設立無線電台

二月十五日廣東省銀行設隴隍辦事處

三月二十八日潮汕敵軍寇潮陽第五區專員兼保安司令劉志陸調縣自衛團大隊長吳柏蒼率大隊

赴前綫抗敵四月八日早對敵抗戰至午後一時始將敵擊退隊兵傷二名

縣長劉禹輪奉令改設中心學校三十四所保國民學校二百所

四月斗米漲價二十五元食鹽每元半斤百物價皆倍漲

五月八日劉縣長禹輪組設國民教育運動協進會以張道鄭渭川王乃宣等爲委員並推張道兼總務股長王乃宣兼宣傳股長

六月下旬大水災 豐溪水暴漲四五丈溢過普濟橋二尺餘縣新老兩市沖塌商店百餘間黃金市後街全塌沿溪岸田廬沖塌無數

湯坑區立中學奉准改爲縣立第三中學

七月奉令將縣稅捐處征收之地稅劃分另設立田賦管理處

八月一日縣長劉禹輪聘李介丞爲縣志總編纂

邑人李介丞以舊志多缺畧屢議興修無成因自行編纂以免縣屬文獻久益難稽已成書二冊秘書李翼蒼商承劉縣長禹輪聘爲總編纂并促加速完成允爲籌款印行

縣長劉禹輪建築民衆教育館落成開幕任吳思存爲館長

九月十七日省府委員兼第五區行政督察專員保安司令劉志陸在任病故

十月十日第五區行政督察專員兼保安司令李郁焜蒞縣政府召集黨政軍學各界人員開座談會討論生產建設計劃

論生產建設計劃

全縣黨政軍學紳商各界人士假座忠烈祠開追悼劉故事員志陸大會舉行哀祭禮

豐順縣志

卷四

大事記

十一

汕頭錦字局梅縣分局承印

晚禾豐稔

廣東全省戰時藝術展覽會本縣送展藝術作品經評議會列爲第三名

十月十五日成立國民教育委員會教育科長張道爲主任委員

十月省政府公佈廿九年度縣政考績本縣列居全省第三位縣長劉禹輪傳令嘉獎

十一月孟冬行春令自立冬迄冬至陰雨不止新穀多發芽

十一月設立第三區衛生分院一所鄉鎮衛生所六所

十二月全省兵役清欠運動成績比較縣長劉禹輪記功一次

縣長劉禹輪舉行全縣農品展覽會中小學生聯合校藝及運動會

埔寨鄉張禮亭張國鈞等設立龍泉初級中學

食鹽漲價每元四兩

邑人吳逸志現任第九戰區長官司令部參謀長安定計劃與倭寇作戰完成長沙三次大捷在各戰區

參謀長中蔣委員長訓話小冊特別加勉

三十一年 縣長劉禹輪擇定安墩嶺下龍王廟舊址興工建築看守所一足容人犯百二十名

建置一

邑人李唐介承甫編纂

(一) 關隘

縣治介萬山中層巒疊嶂連亘如圍丁曰昌詩所謂羣山繞郭成大險者也四境險要有內關外隘二重夙有四關巖險之稱四關者東關西關伯公凹燕子巖是也而皆在三四十里之內作其重巖外隘者東曰北關鎮即木頭凹東連饒平曰分水凹西接興甯曰樟樹凹北連梅縣曰大凹曰北溪凹又北界大埔曰旗墩界凹曰寒凹曰飛鳳凹南通揭陽曰龍潭大凹又南界潮安曰大凹四通五華曰風門凹皆介峻嶺崇山之間羊腸一徑路曲千盤有大造地設之險一夫當關萬夫莫拔之固近以開築豐興豐揭豐饒豐埔四路毀關鑿險雖腹道坦蕩然峻險猶昔未能夷也昔人捧土以塞孟爲妄此真丸泥可封函谷矣况自南粵圖大內戰籌防關隘之內四郊多壘環衛如林鋼骨水泥之傑構踞山扼要之鈞連慎固封守尤有百倍於昔之斗大孤城者蓋扼韓江之中權若常山之蛇據潮汕之上游如建瓴高屋控其中而鹽其腦則潮梅十五屬皆將脉動筋搖而四肢麻木也故進戰退守皆得伸縮裕餘斯固南服屏藩之區脫可作戰政之中心而爲鞏固海疆之國防大計者所宜悉亦官斯土者之所當知要在平時培養民力愛護民氣而預爲國家百年之計者也茲列舉關隘分述之

東關即關上嶺距縣東十里原名伯公凹因建關易今名四面高山環繞止通一徑爲隴墮潘田等處至

豐順縣志 卷五

建置

一

汕頭鎮字局梅縣分局承印

縣必經之路順治十二年邑人吳六命建並書金湯鞏固四大字石刻嵌關門日久壞圯乾隆三年建縣重修關樓七間下設關門關內添建兵房三間增兵守禦有吳公碑記通志府志同

葛志吳少師六奇鎮饒時捐俸一千九百兩里民捐助三百兩建關山頂自記於壬辰年七月經始乙未年四月告成乾隆三年開縣奉文重建九年十一月造竣

言嶺關即西關距縣西四十里形勢與伯公凹等爲嘉應興甯長樂至潮必經之路乾隆三年建縣時關上造樓房營堡兩關相距五十里羣山南北夾峙如壁中通一線爲山邑雄關 通志府志同

葛志相傳吳少師六奇題請建關部議不行今關頂有寺即吳標將王金所建乾隆三年開縣奉文建關一應十年十一月造竣

案兩關駐兵久經裁廢關樓兵房亦圯民國二十二年開築豐興豐饒兩公路東西關門牆均行拆毀夷而廣之遺迹就湮今不可復識矣

伯公凹亦名丹竹塔凹在縣南三十里峻嶺崎嶇中通一徑其山即豐田嶂出虎頭東過脉爲湯坑揭陽至縣大路比較東西兩關爲險峻蓋不待建關而自固也

柚樹凹在縣南三十里即南蛤龍岡上游山凹爲省道豐湯段所經凹南爲兵營子瘦牛嶺即韓山嶺出伯公凹山脉過峽處蓋唐宋間古道也南北兩面皆峻嶺崎嶇宋楊誠肅黃公度均有過瘦牛嶺詩詳見

古蹟類

燕子巖在縣北二十五里峭壁連山折一凹高二千餘尺凹南爲十二排峻峭若削鑿山通道馬不並轡自山麓至排如登天梯巖北峻急直下人行如丸走坂其險峻倍於東西南關隘可通嘉應州

北關鎮即木頭凹通志崇正初設北關鎮在城東南六十里兩山夾峙東向壁立千仞形勢比東關尤險峻爲隘至縣必經之路即豐順公路所經山隘也

案阮通志明隆慶初築城湯田移潮州通判府駐守尋以盜平還郡設官軍汛守又設北關鎮在城東南六十里當崇正初設關時豐順未置縣豐政都原屬海陽縣關在縣治北故名北關其曰在城東南六十里蓋就湯田通判府城言之也証以驛站路徑里數與東南方位俱吻合無間潮州府志清潮州鎮城守營木頭凹汛有營房五間兵二名在豐順城東六十里又東至白墳舖十里西至潘田舖十里白墳舖汛營房五間兵二名潘田舖汛營房五間兵三名清代雖無北關鎮之名而防制沿革不廢明設潘田巡檢司此關其門戶矣光緒間木頭凹關牆石闕猶存關內有欄樓一座高五丈許民國二十三年開築豐順公路始毀而夷之抗戰軍興破壞公路復填塞凹口以防敵人戎車蓋東南一要塞也葛許兩舊志均不載故詳攷以補其闕

樟樹凹在逕心堡寨巔外離縣六十里距縣境兵營子二里餘兩山夾峙中通一路爲輿甯梅縣全縣必經之路即西關外要隘也咸豐九年髮逆陷嘉應州鄉民奉縣諭設土關防禦揭陽游府撥營兵會揭陽令募勇駐守土關

多許志修

豐順縣志

卷五

建置

一一

汕頭總字局轉印分局承印

大凹在布心社距縣三十里兩山夾峙爲嘉應至縣間道

許志修

案大凹在九龍嶺與菩薩耳巢中間爲兩山過脉處在縣治西北凹北爲浪蕩石屬縣境又北出爲梅縣界官塘墟由梅南至縣必經之捷徑

北溪凹在大田社尾距縣七十里與嘉應州連界同治四年燬髮匪處也先是髮逆陷嘉應州縣屬戒嚴知縣錢誦清以北溪凹爲縣屬險要探聞賊將由此逸是夜率民壯掘斷路徑一面諭局紳吳定權千總吳全等率壯勇八百名協同附近鄉民赴凹築柵防守並稟請上憲添撥兵勇以助聲威隨奉檄委李協戎元順鄧協戎在倫率兵一千五百名到大田白溪壩駐紮是年十二月某日左衛州宗棠克復州城髮逆由此竄縣境幸路徑斷絕匪不得越兵勇乘勢開砲迎擊斃賊前鋒賊匪潰竄我軍分道追擊左衛相磨軍繞其後邑屬剛勇截阻其前賊首尾不能衝突擒斬無算十餘萬賊一鼓殲平

許志修

案北溪凹俗名分水凹在縣境三突嶺與北山嶺過脉處凹北向屬梅縣南向屬縣境故名分水凹內即名徑渚一線羊腸下臨深澗峭壁懸崖高數百尺約半里許錢令督鄉壯將徑渚路緣掘斷大半軍十餘萬浩蕩至前鋒人馬皆墜澗死屍骸積與徑渚齊後至者皆踏屍骸過山上草木皆摧殘如斬伐然徑壁經旗槍刺挖亦復介然成路迨集結北溪山村輜重已盡失至搜取山墳骸囊蓄作炊具其窘逼可知越三日復整旅欲衝出大田東趨韓江詎前鋒出北溪村口望見樓婆嶺前橫亂山崇嶺疑又陷入絕地立將輜重擊斃折回相率用佩刀薙髮易服紛逃潰散餘衆逗留經旬餓不得食官軍得悉其

困狀乃招降仍存三四萬衆據北溪故老朱某當日在山上目擊者言之鑿鑿富大平軍壓境時官軍僅數千人尙遠在長布白溪壩相距二十餘里錢令率民壯登高遙望見匪軍漫山蔽野而來皆退却不敢前最後數日官軍始於夜間發砲遠轟村內匪軍一聞砲聲萬燈皆熄後乃投降以見大平軍之覆實天亡之非戰之罪也

旗墩崗凹在占頭村北距縣一百十五里凹北界大埔縣之勝坑兩山高聳如旗中通大路爲嘉應大埔境往來潮州捷徑咸豐九年同治四年髮逆兩陷嘉應州城鄉人以此隘築柵設守潮州鎮保字營游擊林保中軍參將何龍章等均率部駐防於凹詳志

案隘外嶺路一里有餘鳥道崎嶇石磴千盤最爲險峻隘南縣境名岩脚下路較斜坦由梅縣經隘迤至新渡河口八十里再由新渡乘篷船下潮八十里一日夜而達在韓江未航行電輪時官民來往恆必由之

分水凹在縣東一百三十里即鳳凰山脈與朱麻圪山過峽兩山夾峙中通一徑爲饒平至贛隘必經之路東向界饒平鳳凰西向屬縣境其下即鹽坪村崇正末漳州盜余五姑陷饒平鳳凰東寇陷隘署參將裘紹錦戰敗僅以身免一役寇即由此路陷贛民國二十四年開築贛粵公路亦經此凹

大凹在縣東南一百二十里與潮安縣分界即雙山祖迤東山脉與石決巢之過峽處爲潮安縣楓洋田東圩至縣之大路所經凹內屬縣境茶背蔗溪乾隆末年以朱何妻之亂事後曾設汛駐防其凹斜坡不田捷徑又西曰伯公凹曰迎排凹皆潮豐兩縣交通間道今倭寇佔據楓洋古巷屢寇田東圩在防守進攻以此五隘均有軍事上之作用也

龍潭大凹在縣南鄙一百二十里即釋迦巢與雙山祖之過峽要隘凹南屬揭陽縣爲縣境東南各鄉通揭陽捷徑兩向皆崎嶇峻險

此外若八鄉之風門凹可由五華入貫人村馬圖鄉之灶子嶺可由梅縣長沙圩入馬圖沙田鄉之寒凹由大埔銀溪官山入沙田圩占頭即豐埔軍路所經要隘飛鳳凹由大埔州田鄉入沙田俱屬沿途間道雖連僻一隅然若鄰封有警卽有扼守之必要例以北溪凹大平軍之覆滅要不可忽視也

(二) 堡壘

縣治在屏巒叠嶂入隘四關之內近郊山嶺堡壘雲連雖舊城拆毀尤固若金湯民國二十三年第八路軍總部以豐順扼潮梅中樞地勢險要特撥巨款徵工兵駐縣於四郊嶺頭建築堡壘一百零八座徵用銅骨水泥構造計東自新嶺巢迤南紙錢嶺大婆嶺坡嶺頂迄西南軍寨頂杉窩頂牌樓凹嶺大嶺繞西北游羅凹下凹塘布巢小樁巢湯背巢新麓嶺棠荆角周圍二十里恭布森羅所有豐順豐揭豐興豐埔四線公路均在四圍堡壘控制之下而各壘之間復深挖戰壕而連貫之蟠繞縣城在中心距離俱約四五里足爲內線戰守之銅牆鐵壁蓋以嶺東潮梅有事能固守豐順一隅卽足以掌握一方之形勢而影

響戰局固爲兵家所必爭之地也昔胡文忠撫鄂竭力經營大堂以爲規復蘇皖鞏固鄂局之謀預精選能吏宰之以培養其民力經數年之整頓卒以收奠定皖鄂之功爲他日恢復金陵張本今豐順形勢實比天堂爲險要竊願爲治者慎勿以巖疆山邑而忽視之茲將當日建築豐順縣城周圍山頂堡壘圖附刊卷首以備查攷

(三) 城署

縣城原海陽縣豐政都明通判府舊城隆慶初築周圍二百九丈四尺高一丈五尺厚一丈三尺向開四南北二門其東門塞山牆馬路城身垛眼門樓等項歲久傾塌惟城身完固乾隆三年奉文開縣議將舊城展拓加高三尺圍長與厚仍舊於城四角添設窩鋪四間新開東門建城樓四座東曰迎暉西曰攬秀南曰薰和北曰阜成九月十二日始造竣署廨壇廟如之創始則知縣王如珩完成則繼任知縣葛曙也參通志府志縣志修

案縣城於民國二十一年拆毀就城基改築馬路現僅存縣署後及右使兩段未拆平

縣署在城內乾隆七年建大堂三間顏曰惇德允元堂左爲庫房右爲號房堂前左右吏書房十間左右皂隸廊二間儀門一座土地祠在左賓賓館在右外爲頭門宅門內耳房四間簽押房在左廚房在右內爲官廨門一座川堂一間正房十一間左右廂房各三間耳房五間二堂二間在大堂左顏曰抱山堂後十間爲幕廳堂前五間爲客房又耳房五間其門在右爲志

豐順縣志

卷五

建置

四

汕頭歸字局梅縣分局承印

案幕廳客房同光間多傾圮知縣鄧衍憲改建爲東書齋抱山堂改建爲惇德無華齋宣統二年知縣單夢祥添建簽押房一間民國七年知事沈耀堂以頭門破漏改建牌坊縣門二十一年縣長陳耀寰依右廂房舊址改建會客室一廳兩間二十三年縣長梁國材將大堂改建洋式禮堂一座又於會客室後曠地建廂房五間二十九年七月被敵機轟炸全署多毀壞縣長劉禹輪遷新庵保福寺辦公遂將舊署磚瓦拆卸移建民衆教育館夷舊址改爲苗圃

豐順縣地方法院在縣署左原東書齋幕廳舊宇民國三年改設專審所後改爲地方法院增建房舍六間並法警廚房什役室各二間

在城區警察署原善慶祠公宇在城北門外

湯坑區警察署民國三年設立沿用舊汛防地址嗣召變官產後將汛防旁座建設警署

隴陽區警察署原關帝廟宇

縣監獄在縣署右原爲監倉及典史署舊址民國二十一年縣長陳耀寰改建有男女會客室各一座工作場一所男倉內設木欄六個小房一間初名看守所

(四) 橋渡

隴陽渡在隴陽市有橫水渡船十餘艘係船戶自置當地抽收渡船捐年征六七百元

潭江義渡在潭江城有橫水渡船二艘道光二十九年設立義渡會鄉民捐穀八十石置產生息光緒五

年加捐二十石置產爲每年渡伙工食及造船經費

三洲溪義渡在轉水塘橫渡三洲溪有渡船一艘向設義渡會經理民國二十年紳耆巫春莊倡加捐款千元置業生息

三坑渡有三坑口有橫水渡船一艘東西兩岸各建洋亭一座俱鄉衆捐建

朱坑渡在朱坑塘有橫水渡船一艘鄉衆公建

石狗渡在石狗有橫水渡船一艘由義渡會經理西岸有洋亭鄉民公建

產溪渡在站口有渡船一艘專來往產溪口由船戶自置

小產渡在小產村口有橫水渡船一艘由小產村民公建

葛布橫水渡在葛布有渡船一艘

蔗溪渡在蔗溪口有過溪渡船一艘

案以上俱韓江沿岸橫水渡爲利濟行人計多出當地紳耆集貲設會董理直有會產專供渡伙工食及造船費行客喚渡投錢隨人自由惟隴隍渡船概係船夫自置歲抽捐至六七百元爲警察教育自治經費與他處有別

黃金埠渡在黃金市即豐溪橫水渡有渡船一艘由市鄉公建

李屋壩渡在魏鬱洞有渡船一艘即龍溪下游橫水渡

豐順縣志

卷五

建置

五

汕頭銘字局梅縣分局承印

益前渡在豐溪下游橫水渡有渡船一艘黃洞鄉劉氏捐建

軍塘渡在隴隍市西南里許舊志

案軍塘渡船近今惟江水盛漲路面淹沒時有之因軍塘面積廣狹今昔懸殊自居民廢塘爲田日廣路已橫貫隴內田間矣

銅盤渡在羅家約新樓有渡船一艘即銅盤至羅家約之橫水渡

案水經注自黃河泛舟而渡者皆津也故有棘津滄津及風陵渡茅津渡之名津與渡其義畧同凡渡必有舟而津多有亭故曰津亭朱竹詞所云津亭迴首望者也

(甲) 石橋

普濟橋在縣北道光十四年知縣許炳倡邑紳吳奕材捐建橋長六十餘丈石梁七高三丈廣一丈二尺兩邊護以石欄橋梁下水眼凡七門

渡水橋在環清與建橋二堡之間民國十七年邑紳王懋修倡建橋長一十餘丈高二丈餘廣八尺兩邊

石欄銘曰五福橋王懋修書

青潭橋在上寨青潭圩民國初年里人王懋修倡建橋長五丈有石欄名青虹楊子立書

仲坑橋在大田鄉同治三年重建橋長二丈餘高十丈兩邊有灰欄

華明橋在潘田水口光緒間鄉衆捐建橋長三十餘丈廣八尺兩邊有石欄

南華橋在潘田白墳舖爲墮障通湯坑所必經光緒間募建橋長二十餘丈兩邊有石欄

永濟橋在環清店前橋長約三丈王楚材倡建

南溪橋在潘田南溪光緒間鄉衆捐建橋長七丈兩邊有石欄

建橋石碑墩石橋約長八丈張祝承倡建張雲祥續建完成

黃坑橋在潘田建造費千餘元里人馮登榮獨贊建

宮徑橋在小勝鄉同怡間鄉衆捐建橋長四丈廣六尺

馬下橋在小勝鄉民國二十一年里人李衡甫倡建長四丈廣五尺

廣益橋在沙田鄉長四丈餘廣六尺宣統時邑紳王懋修倡建

義渡橋位於河面爲往來湯市要道向設木橋長約二十餘丈遇雨輒被冲毀行旅苦之民國二十八年

邑紳陳臨芝丁子久等倡建石橋以垂久遠

善濟橋在沙田鄉新渡民國初年渡商陳倚南等重建橋長三丈兩邊石欄

岳坑橋在沙田鄉光緒間鄉衆捐建長二丈餘

下坡石橋在埔頭鄉民國三十一年崇德善堂建復橋長九丈餘廣三尺餘

白水礁橋在沙田鄉黃沙溪光緒間鄉衆捐建長二丈民國三十年拓建又上村一橋亦同

黃花橋在沙田鄉黃花村口民國三十年里人李介承倡村衆建橋長二丈四尺廣六尺兩邊護以石欄

豐順縣志 卷五

建置

六

汕頭鑄字局梅縣分局承印

橋名石刊爲梅縣黃枯桐手書

鷺鷥橋在石湖村長約二十丈民國三十年里人陳臨芝倡村衆建

潭江橋有二一在市内長二丈兩邊有欄同治間市鄉捐建一在馬頭山口長三丈餘民國二十二年鄉

衆捐建

信孚橋在龍溪壩子口長二丈餘民國初張家榮等倡建

以上俱係石橋堅固耐久凡橋石長逾二丈者尤工艱費鉅最近一年工料價數倍於昔例如黃花橋

在昔年有二千元已足建成現在竟費至六千餘元亦可見物價變遷之大概矣

(乙) 鋼骨水泥橋

西門橋在縣城西門外豐興公路線民國二十二年豐興公路建長九丈餘二十九年被敵機炸壞

礮礮橋在建橋鄉豐興公路線民國二十二年豐興公路處建長二十餘丈

南溪橋在沙田鄉南溪村民國二十年邑紳李介承倡建橋長八丈

礮下橋在沙田鄉礮下爲潮梅通道所經民國二十二年里人李玉衡倡建橋長三丈

草洋橋在東贈鄉爲墮障通饒平所經民國饒平華僑倡墮障商陳登雲建橋長六丈

新坡橋在新坡村民國二十二年里紳吳桂芳吳式均吳聘我吳思存等倡建橋長七梁

便行橋在新坡村口民國二十年里紳吳少蓬倡建橋長七梁

臥虹橋在湯坑市西民國十五年市商王峰倡建橋長六十餘丈即舊日溪頭渡址
汶水橋在湯坑市南豐揚公路線民國二十一年重建即甲溪渡舊址
案以上俱鋼骨水泥構造之新式橋梁

(丙) 拱橋

小樁橋在小樁口用灰石構造光緒間里紳楊攀提倡鄉衆捐建長二丈
社背橋在小勝鄉用石灰構造光緒間里紳丘龍福倡建橋長五丈
高礫橋在小勝鄉用石灰構造民國二十九年文姓族衆建長一丈八尺
上林橋在下湯上林坑用石磚構造民國三十年邑紳朱斐然倡建橋長一丈五尺
巢下橋在猴子巢下蝦蟆落井爲湯坑至興寧梅縣所必經橋長一丈二尺光緒間紳商倡捐建
小石溪橋在小勝鄉韓江西岸橋長三丈民國三十年李介丞李次光倡建正在建築中
潭江橋在潭江圩南江岸橋長二丈八尺民國三十年洪嵩三倡建正在建築中

(丁) 板橋

矮橋在縣市豐溪向係灰石爲梁民國三十年縣長劉禹翰倡邑紳吳柏蒼增高梁度拓大板橋開支外
仍存捐款五千餘元

塔下橋在湯坑有灰石梁九上架板橋民國二十年重建三十年洪水冲壞未修復

豐順縣志

卷五

建置

七

汕頭錦字局梅縣分局承印

流金橋在龍溪社有灰石梁五上架板橋民國二十二年鄉衆捐建三十年冲壞未修復

九河橋在九河鄉上園灰石梁六架板橋光緒間建

沙田橋在沙田圩灰石梁二上架板橋光緒間建

宮渡橋在沙田鄉宮渡子廢圩石梁一上架板橋咸豐間村衆捐建

南洋橋在沙田鄉南洋村石梁一架板橋同治間鄉衆捐建

黃沙橋在沙田鄉黃沙潭灰石梁六架板橋民國十三年紳耆陳源昌倡建

龍岡橋在下湯龍岡圩東灰石梁五架板橋光緒間建

案邑屬山重嶺複溪澗縱橫道路交通有賴於橋梁者最多大抵籠石爲梁或鑿木作村架幾度之峇
約每值溪漲橋輒浮去交通爲之阻梗甚有通衢河廣且介富庶之鄉亦不提倡建置爲一勞永逸之
謀其民俗之苟且與公德之薄弱已可概見誠以地方道路橋梁之建築爲民族活動力之所表現茲
故僅列舉其工銀費鉅有永久性之橋梁表以著之其草率苟簡者皆闕而不載庶幾咸知雖有若無
之恥奮起而改善其鄉里之交通有以利濟羣衆云爾

(五) 區鄉

豐順縣海陽揭陽嘉應大埔四縣地建縣爲糧圖七曰豐一圖豐二圖豐三圖海陽糧里也曰附豐三圖
大埔糧里也曰藍九圖藍十圖揭陽糧里也曰萬三圖嘉應糧里也其民社三十有八焉也

案清制以都統圖以圖統鄉社堡而村里分焉蓋沿前明圖甲之舊每圖有正每甲有總戶分立戶額皆統於總戶民間應納錢糧得按各圖總戶以稽其子戶使無從漏匿此都圖之關係鄉堡社賦役也自民國厲行區鄉自治與清丈田畝已一變爲履畝徵稅不似已往之按圖稽征祇從戶而不從田者而都圖花戶之舊規已成爲廢制矣況生齒日繁村里增置舊有社堡亦多變革凡劃區分鄉皆從新釐定茲以區統鄉以鄉統村保一從現行新制編列而舊制都圖仍附註之庶沿革昭然

(甲) 第一區亦名附城區

附松鄉 舊屬豐政都一圖原名松林社通判府社地

第一保南廂第二保東廂第三保附城第四保廣合第五保小溪壩第六保大陽園樊坑第七保新坡下村第八保新坡上村第九保橋背大新屋第十保橋背埔頭段第十一保埔頭寨大塘園
計全鄉編分十一保共一百零九甲

豐良鄉 舊屬豐政都一圖原名下湯及布心社地

第二保良鄉市第二保良鄉市第三保棠荊角第四保雙溪第五保雙溪第六保居陽凹第七保布心社第八保雙螺坑第九保小港村
計全鄉編分九保共八十八甲

建大鄉 舊屬萬安都三圖原名建橋堡合併舊屬豐政都一圖原名大港社地

豐順縣志

卷五

建置

八

汕頭鑄字局梅縣分局承印

第一保官草嶺石橋頭

第一保

水頭洋

第三保

三角埔

第四保

下潭

第五保

龍爭潭

第六保青柴鄉

第七保

黃泥坑

第八保

建橋

第九保

建橋

第十保

建橋

第七保建橋

第八保

建橋

第九保

建橋

第十保

建橋

第十一保

建橋

計全鄉編分一十三保共一百三十四甲

璫溪鄉 舊屬豐政都一圖原名璫坑社地

第一保

第二保

第三保

第四保

第五保

第六保

第七保

第八保

第九保

第十保

計全鄉編分十保共九十八甲

紫湯鄉 舊屬豐政都一圖原名上湯社

第一保

第二保

見龍園

濁水坑

第三保

下湯中村

第四保

龍江市

江下排

第五保

第六保

第七保

第八保

第九保

第十保

第七保

第八保

第九保

第十保

計全鄉編分一十三保共一百三十九甲

環清鄉 舊屬萬安都三圖原名環清堡境

第一保東山下第二保壩上圍第三保岡下圍第四保鄭屋段第五保桂棠排第六保明堂下第七保第

竹園第八保西山下第九保營上寨第十保樓上第十一保坪峯

計全鄉編分一十一保共一百四十五甲

逕心鄉 舊屬惠安都三圖原名逕心堡境

第一保 第二保 第三保 第四保 第五保

第六保

計全鄉編分六保共三十六甲

馬圖鄉 舊屬豐政都一圖原名馬頭社境

第一保 第二保 第三保 第四保 第五保

第六保 第七保

計全鄉編分七保共七十六甲

以上八鄉舊爲埔屬面積二千三百八十方里民國初劃分爲一四兩區第一區四至西界興寧縣北界梅縣東至東關界黃金市區南至丹竹塔凹界湯坑區羣山繞郭天險成關向有四關巖險之稱關內田疇廣沃產米自給有餘縣治在附松鄉自開築豐湯豐興豐嶺三線公路汽車交通四達運輸利便形勢益佔重要區內荒山最多若加以農工水利墾殖之生產建設使地盡其利人無遺力其富庶正未艾也

豐順縣志

卷五

建置

九

汕頭錦字局梅縣分局承印

(乙) 第二區亦名陷隍區

東隍鄉 舊屬豐政都二圖原名小陷隍社地

第一保埔頭口鋪村第二保烏石塘村第三保新池村第四保新池村第五保下埔村第六保關尾橫磯村第七保長田寨子村第八保埔尾村第九保深村第十保居林村第十一保墳山草洋村第十二保風流門村第十三保鹽坪大錢茅裡村第十四保仙峯村第十五保小產東山石狗村

計全鄉編分一十五保共一百八十五甲

西隍鄉 舊屬豐政都二圖原名大陷隍社地

第一保陷隍市上半街第二保陷隍市下半街第三保寨內京山村第四保後井東洋村第五保青金巷埔徑村第六保下棚村第七保南坑螺田頭村第八保西洞北洞村第九保大塘尾蓮塘村第十保大池尾站口村第十一保神砂村第十二保葛布村

計全鄉編分一十二保共一百三十二甲

錦江鄉 舊屬豐政都二圖原名九河社地

第一保高沙村第二保高沙村第三保高沙村第四保小湯村第五保黃沙坑第六保雲徑村第七保上園村第八保下園村第九保下園村第十保田站內村第十一保田站外村第十二保錫坑村

計全鄉編分一十二保共一百二十甲

蔗溪鄉 舊屬豐政鄉二圖原九河社今析蔗溪流域各村爲一鄉

第一保茶背村第二保卜蔗溪第三保黃沙田第四保棠下外村第五保棠下內村第六保金岡石村第七保南坑下村第八保南坑下村第九保南坑下村第十保南坑上村

計全鄉編分一十保共一百一十二甲

以上四鄉舊屬隴隍巡檢司民國初劃爲第二區東至鳳凰山界饒平南至蔗溪口及大凹界潮安北至小石溪石狗界潭江區西至木頭凹界黃金埠區韓江橫貫其中隴隍市富水陸之衝舟車輻輳商業頗盛惟沿江地勢低窪時受水患故居民出洋謀生較多近河各鄉村產果實竹柴麻布之利地方較爲豐裕

(丙) 第三區亦名湯坑區

金鎮鄉 舊屬藍田鄉十圖原名金湯寨內嶺寨合併爲鄉

第一保 第二保 第三保 第四保 第五保

第六保 第七保 第八保 第九保 第十保

計全鄉編分一十保共一百二十二甲

五橫鄉 舊屬藍田鄉十圖原爲邱屋寨現改溪頭村大小銅盤湖下金鎮寨

第一保 第二保 第三保 第四保 第五保

豐順縣志 卷五

建置

十

汕頭鎮字局梅縣分局承印

第六保 第七保 第八保 第九保 第十保

第七保 第八保 第九保 第十保

計全鄉編分一十四保共一百二十五甲

穎川鄉 舊屬藍田鄉十圖和寨鄉屬寨石湖東里佐嶺鄉下諸

第一保和寨村第二保和寨村第三保東里村第四保東里村第五保左嶺村第六保左嶺村第七保蓮

塘村第八保石湖村第九保石湖村第十保鄧屋寨村第十一保鄧屋寨村第十二保鄧屋寨村第十三

保磔下村第十四保磔下村第十五保磔下村

計全鄉編分一十五保共一百三十四甲

埔頭鄉 舊屬藍田鄉十圖原名埔頭鄉

第一保 第二保 第三保 第四保 第五保

第六保 第七保 第八保 第九保 第十保

第十一保 第十二保 第十三保 第十四保 第十五保

計全鄉編分一十五保共二百零一甲

四美鄉 舊屬藍田鄉十圖原名斗牛西坑石橋頭

第一保 第二保 第三保 第四保 第五保

第一保 第二保 第三保 第四保 第五保
第六保 第七保 第八保 第九保 第十保
第十一保

計全鄉編分一十一保共一百三十五甲

大同鄉 舊屬藍田都十圖原名燕潭舊案湖洲墾田心湖坡赤草

第一保 第二保 第三保 第四保 第五保
第六保 第七保 第八保 第九保 第十保
第十一保 第十二保 第十三保 第十四保

計全鄉編分一十四保共一百二十五甲

揭嶺鄉 舊屬藍田都十圖原名燕潭舊案大坑清南溪坪城鄉離縣八十里

第一保 第二保 第三保 第四保 第五保
第六保 第七保 第八保 第九保 第十保
第十一保 第十二保 第十三保 第十四保 第十五保 第十六保 第十七保 第十八保 第十九保 第二十保

計全鄉編分一十一保共九十六甲

豐順縣志

卷五

建置

十一

汕頭鑄字局梅縣分局承印

新樓鄉 舊屬藍田都九圖原名新樓離縣六十里

第一保新樓圩 第二保 第三保 第四保 第五保
第六保 第七保 第八保 第九保 第十保
第十一保 第十二保 第十三保 第十四保 第十五保 第十六保 第十七保 第十八保 第十九保 第二十保

計全鄉編分一十三保共一百二十六甲

新埔鄉 舊屬藍田都九圖原名新埔墾田上柵子合併西半約各村案為一鄉離縣七十里

第一保 第二保 第三保 第四保 第五保
第六保 第七保 第八保 第九保 第十保
第十一保 第十二保 第十三保 第十四保 第十五保 第十六保 第十七保 第十八保 第十九保 第二十保

計全鄉編分一十五保共一百五十八甲

埔寨鄉 舊屬藍田都九圖原名埔仔寨離縣九十里

第一保 第二保 第三保 第四保 第五保
第六保 第七保 第八保 第九保 第十保
第十一保 第十二保 第十三保 第十四保 第十五保 第十六保 第十七保 第十八保 第十九保 第二十保

計全鄉編分一十保共一百一十九甲

三友鄉 舊屬藍田都九圖原名采芝裡宮下埠大灘距縣九十里

第一保 第二保 第三保 第四保 第五保
第六保 第七保 第八保 第九保 第十保
第十一保

計全鄉編分一十一保共一百二十九甲

八鄉 舊屬藍田都九圖距縣九十里或二百里不等

第一保 第二保 第三保 第四保 第五保
第六保 第七保 第八保 第九保 第十保

計全鄉編分一十保共九十二甲

以上十二鄉舊屬湯坑巡檢司民國初劃為第三區東界附城區西至胥箕坪南至分水俱界揭陽北至高棚界五華縣藤角村民物富庶甲於全縣湯坑市在金鎮鄉舟車輻輳商業殷繁各鄉村多產油糖夏布內山產柴炭俱由湯坑轉運揭陽汕頭八鄉飛泉嶺為秦漢南北通道所經唐宋開通瘦牛嶺新路而飛泉嶺八鄉關隘遂廢湯坑市區實明季始建上陽羅姓舊稱羅家約自宋代居此為邑屬最久氏族此其興廢變遷之大畧也

(丁) 第四區亦名黃金埠區 清代與附城第一區同隸埔屬

產溪鄉 舊屬豐政都二圖原名產溪距縣五十里或七十里

豐順縣志 卷五 建置 十一
第一保 黃金市 第二保 第三保 第四保 第五保
第六保 第七保 第八保 第九保 第十保
第十一保

計全鄉編分一十二保共一百五十九甲

潘仙鄉 舊屬豐政都一圖原名仙洞鄉石坑長岡寨流坑各村合併距縣十五里或三十里

第一保 坑背第二保 樓下第三保 流出坑第四保 均安樓第五保 上壩第六保 石田第七保 流坑第八保
田背塘第九保 石坑第十保 趙屋田第十一保 寨下第十二保 上岡第十三保 下礮坑第十四保 良民礮
計全鄉編分一十四保共一百四十一甲

潘田鄉 舊屬豐政都二圖原名潘田社南溪古樓園枯蓬各村合併距縣四十里或七十里

第一保 潘田舖 第二保 第三保 第四保 第五保
第六保 第七保 第八保 第九保 第十保
第十一保 第十二保

計全鄉編分一十四保共一百六十一甲

大龍華鄉 舊屬豐政都三圖原名大田社龍溪社葉華社合併距縣三十里或七十里

第一保 大田村第二保 龍背凹長堽村第三保 大布村第四保 長布村第五保 北溪村第六保 葉華村第

七保龍溪中村第八保甲背村第九保牆背村第十保禾沙坑第十一保葵頭營第十二保羊古田

計全鄉編分一十二保共一百三十甲

以上四鄉舊稱第四區東至損竿凹界隴隘區西至白溪界附城區南至伯公凹界湯坑區北至麟子凹界潭江區多產竹木柴炭竹器皆集散於黃金埠圩轉運出口區內仲坑山產銀礦自宋末開採迄清初始封禁故山內淨水寺及白土港鐘均爲元至正初所鑄潘田巡檢司亦設自明代其地自宋元間開闢可知

(戊) 第五區亦名潭江區

舊屬豐政都二圖隴隘第二區同隴隘區界

潭江鄉

舊屬豐政都三圖原名北勝社隴隘甲及清遠都附豐三圖原名白芒社合併距縣一百里或一百五十里

第一保烏泥坑老三村第二保降福田十八到第三保轉水村第四保湯沙村粉章村第五保大勝上村第六保大勝下村第七保白芒社第八保箭竹洋塘子腹第九保下埕坑第十保溪西壩第十一保新渡三洲溪茅坪桃李坑第十二保潭江市第十三保中央段赤米田

計全鄉編分一十三保共一百三十九甲

沙田鄉

舊屬豐政都三圖原名北勝社上四甲境距縣八十里或一百里

第一保紫荊園第二保沙田圩第三保苦沙溪第四保占頭下村第五保占頭中村第六保占頭上村第七保橋頭村第八保南溪村第九保黃花村第十保箭坪村第十一保南洋村第十二保南坑村第十三

豐順縣志

卷五

建置

十三

汕頭鎮字局梅縣分局承印

保丹竹坑第十四保岳坑上村第十五保岳坑下村

計全鄉編分一十五保共一百五十一甲

小勝鄉

舊屬豐政都三圖原名北勝社下四甲及白芒社之風吹礮小隴隘社之石狗台併距縣八十里或一百三十里

第一保田背格子下田心第二保鹽坵墩礮下中渡第三保黃泥塘宮徑第四保中村西坑東葉寮第五保大窩南坑鳳谷第六保社背營上第七保朱坑韓江西岸第八保小石溪塘子腹第九保楓坑風吹礮第十保石狗蔣坪第十一保三坑小勝渡

計全鄉編分一十一保共一百三十甲

以上三鄉舊名北勝社民國初劃爲第五區東至風吹礮界饒平北至白芒社第石界大埔南至石狗小石溪界隴隘區西至大風凹界黃金埠區以潭江圩爲中心韓江橫貫其中河東多產碗竹茶柴河西多產炭杉柴竹人口一萬五千有奇山多田少生計最穡惟讀書風氣尙盛耆耆士之民然也區境富明季猶草莽未闢淪爲盜賊淵藪皆由崇山峻嶺故蓋松山鍾陵秀廖欽輝金德光諸渠魁皆區內十著先後擾亂閩贛粵三省數千里之地今居民皆清初自閩汀遷來者實爲縣境開闢最晚之地區也

建置二

邑人李唐介丞甫編纂

六 墟市

縣墟在城北豐溪南岸分永興街外街商店三百餘間定一四七日為墟期民國二十一年設立市政委員會吳柏蒼為主席拆築馬路改建騎樓市容一新對岸良鄉新市清末邑紳黎鍾靈等倡建助學商店百餘間民十七年因亂被燬民二十年復出巡撫張鑑初等捐資商同邑紳張百榮等復建現有商店三百餘間並建廣育學校一所於市內街市均建成馬路騎樓墟期亦同二十七年七月新舊兩墟均遭敵機炸燬數十間三十年六月豐溪水暴漲溢普濟石橋欄數尺兩市店舖又冲塌百數十間

湯坑墟在縣南五十里舊有商店五百十一間定三六九日為墟期民國二十二年一律拆建馬路騎樓四隅各建菜市增築新店百數十間設立銀行工廠車站舟車輻輳蔚然一都會矣

陂陰墟在縣東八十里濱臨韓江西岸舊有商店三百六十餘間二五八日為墟期民國二十三年駐防營長曾存三督拆舊墟改築馬路騎樓輪船汽車交通商業比昔為盛二十七八九年敵機相繼轟炸商店多被燬惟銀行稅關一時林立潮梅商貨均以此為轉駁幾成一時口岸矣

黃金市在縣東五十里商店二百六十餘間三六九日為圩期地濱豐溪舟楫交通向為柴炭木材竹器之集散地光緒八年五月舊圩店經洪水冲毀始移近山麓建復民國三十年六月後街商店復遭水冲

豐順縣志 卷六

建置

汕頭路字局梅縣分局承印

場

潭江圩在縣北一百里濱韓江東岸舊有商店八十六間一六日為圩期近圩有碗窰百餘所為產碗集散地輪船交通商業亦今盛於昔有新舊橋兩條民國十一年拓建新街築馬路騎樓新店三十餘間對岸新渡有商店三十餘間專收集土產以炭柴竹為大宗近擬山對岸開築公路北接梅縣內村白宮下並由圩埠東達饒平鳳凰通行汽車全線共長一百六十里可使饒海魚鹽直通梅縣與上游米貨轉運下游每日可來往二次以潭江為父又點即潮梅行旅往來比乘輪船大可縮短三分之二程途也沙田圩在縣北九十里距潭江新渡二十里舊有商店百餘間光緒二十年為洪水冲塌一空旋移近山麓建復六十餘間二七日為圩期

案明代舊圩在近二里之橋頭宮渡子乾隆六年改建於沙田

徑門圩在縣北六十里距黃金市沙田圩均三十里有商店三十餘間定一七十日為圩期

龍岡圩在縣北十五里有商店二十餘間隨縣圩一四七日為圩期

潘田圩在縣東五十里商店四十三間附近下舖子有商店十餘間近擬移建於古樓圍附近豐陶公路

線向無圩期

青潭圩在縣西三十五里為揭陽湯坑至興寧梅縣必經之地有店五十餘間附近瑞臨墟有商店四十

餘間無一定圩期

新樓圩在縣南六十里有商店三十餘間無一定圩期

宮下埔圩在縣南八十里有商店三十二間無一定圩期

埔寨圩在縣南八十里埔寨鄉內

蔗溪圩在縣東南一百一十里清同治間爲溪水冲毀附近六鄉乃移建於潮安縣境爲田東圩土產輸出歲由三山書院抽捐三百餘元近實施新縣制劃分蔗溪爲鄉設鄉公所學校於廢圩址謀建復圩場歲可收回土產捐數百元爲學校經費比較奇鄰縣爲圩其得失有間矣

大羅圩在縣南七十里在大羅鄉舊有商店三十餘間近中建七八十間無一定圩期

(七) 學校

縣學在北門外西偏建縣之初擇地於豐溪北新菴嶺興建邑紳士以地遠且偏通惠潮嘉道張士璉治縣乃定今地原爲吳少師六奇大平公館舊址知縣黃以弁詳准後經始規劃繼任知縣葛曙疏成之正中爲先師大成殿左爲明倫堂學署堂後爲崇聖祠乾隆十年始造峻草創之初制度卑狹二十六年知縣吳蘭滋倡邑紳吳成鑑等升高大殿三尺六寸並增建櫺星門等展出照牆舊基四丈殿前兩廡二十四間祭器庫在殿側戟門三名官祠在門左鄉賢祠在門右門前爲泮池池有拱橋左右爲金聲玉振亭池前櫺星門左右爲騰蛟起鳳亭又前爲照牆左右中建文昌魁星閣稍改舊觀嘉慶十年又續修之同治九年以棟宇年久傾壞知縣馮寶封倡邑紳吳翺張文山等重行修整將泮池縮進三尺並於櫺星門

豐順縣志

卷六

建置

一一

汕頭錦字局梅縣分局承印

左畔學署門前增建八角亭祀奎星餘均照舊式修理學署原在明倫堂左與堂同向前後兩堂皆一廡兩房至是改建爲附明倫堂從屋式平連六間餘均仍舊民國七年創設縣立中學將學署增高爲樓戟門左學署改建鐘樓兩廡改爲房舍填泮池毀去櫺星門并爲操場舊制蕩然而祀典亦等於告朔餼羊矣

參通志府志縣志

議案大成殿崇祀

先師孔子東西四配十二哲兩廡祀先賢朱儒具有姓氏栗主配享崇聖祠祀先師五代凡所以重淵源崇學術益至深遠也名宦鄉賢則以其功德在民或鄉先生歿而可祭於社者使後之官斯土生是邦者咸有所觀感而激發其志行歷代典制相沿周備凡府州縣志皆詳載於冊今科舉久廢百度維新而學校舊制實爲新制之先導沿革所在宜著於篇

縣學署設訓導一員專任本縣教官凡童生入學由縣令考錄冊送知府府以錄取者重加考課送提學使歲科考試擇其尤者入縣學曰附學生員縣學額原割海陽四名揭陽嘉應各二名合共八名邑紳丁日昌於同治捐輸案內奏准加一名又咸同二次捐貲及北溪殘匪案內奉旨加二名又廣額一名歲試共十一名科試加撥府學額一名又特加廣額一名爲十三名凡入學諸生統由訓導教官管理考課本學署按月課四季課考生員除丁憂患病游學有事故外照定例應受嚴加考試於四書藝文試帖外將所治經書令其分冊誦習綱目必分年解釋面加諄勸務期實力講貫或間月或每季試以諸經疑義

及史策並將大清律內開載刑名錢穀摘要講解使之熟習淹貫預識政治大要列其等差冊報學政使歲科取其最優者食餼於官曰廩膳生豐順縣學額廩膳生二十名次優者別於附學生員曰增生其附於潮州府學廩膳生由潮州府學額廩生四十名照優等次序有缺始補其武生例屬教官管理除騎射外教以五經七書自將傳及孝經四書俾知大義歲試優等者送鄉試如文生員之例但無科考亦不食廩學大讀書與學政全書終

鵬湖書院在安墩嶺乾隆十一年知縣葛曙建名女墩書院止廳五間左右廂房六間頭門一座有碑記詳金石門五十七年知縣秦榮以文祠未崇又運木盛乃謀諸邑紳於書院中建三層文昌閣閣三載始造竣左右添建廂房十間閣既成以邑舊有鵬湖之稱乃更名鵬湖書院刊石嵌院門

案鵬湖書院爲邑屬童生肄業之所歲聘山長一員主講定例以名孝廉任之每歲終由縣令甄別邑屬文童具錄送院肄業院內舊藏書數萬卷例由甄別第一名院生掌管給以膏伙按月考課有院課官課蓋造士作人定例也光緒二十九年奉文改設學堂將文昌閣拆毀謀改建正鳩工庀材邱紳瓊章力主改考棚爲省費遂曠棄旋改設巡警局勸業公所民國二十二年改爲救濟院現改爲衛生醫院二十七年縣長劉禹輪將止廳改設忠烈祠

藍田書院在湯坑墟南門內邑紳丁日昌倡湯坑司屬各鄉建止中爲文廟左爲德政祠右爲崇善堂廂房廳左右各四間道光二十七年造竣同治九年潮州鎮方耀撥款五千元交藍田局紳張仲宣等八人

豐順縣志

卷六

建置

三

汕頭鎮字局轉報分局承印

置產生息爲書院經費聘山長主講額定生員正課三名副課五名童生正課四名副課八名由縣考錄酌給膏伙課外生無定額考課前列酌給賞典光緒三十一年改建藍田兩等小學堂民國十七年籌建中學將德政祠改崇德堂移在正廳左片放捐題芳名將崇善堂移在正廳右片

藍田義學在湯坑汛署右同治九年設立潮州鎮方耀撥款一千元置產爲經費聘師課授童蒙

隴隍義學在隴隍墟武帝左橫屋同治間知縣李洪毓撥查封商店八間爲經費光緒九年改設隴隍義

倉樓下宣統間朱紳耀宗設兩隴公學將店業撥充學堂經費遂停辦

良鄉義學在城北豐溪岸兩堂一後樓後堂安設

先師孔子栗主中堂崇祀先達左右學舍九間咸豐三年邑紳彭松巖張廷貴等倡建光緒三十三年改設良鄉兩等小學堂後改爲良鄉廣育小學校

登瀛堂亦名鵬湖書院在潮州府城軍廳巷口原豐順倉舊址先是縣屬歲解郡營米一千八百石城內無地存儲乃購地建有屯積待解由各營向倉支領故名豐順倉嗣本文納米折銀批解而倉遂曠廢倉廠多圯同治九年知縣馮寶封倡邑紳朱冠煥吳定權等募款將倉址改建前後座兩廳六間左廂房一連六間前座爲登瀛堂後座爲敬學堂門外建福德祠連接廂房外建石門名豐順縣公館購置產業設立賓興以補助士林應歲科試鄉試經費以每歲試考列優等廩附生前二名廿登瀛堂司事川駐敬學堂管理之前堂爲邑屬金山韓山書院肄業生徒住所遇歲科試由送考廩生及辦考公務員集中辦公

之地其作人宗旨與書院同故大門名鵬湖書院內暨產業碑石多具

(八) 公產

一職員廖琨廖大英共捐田一十七畝租二十一石在坂頭埔村土名坑尾等處每年收租穀二十五石正

一武生吳士英貢生吳鴻章等捐田一十二畝帶官民米五升坐址松林社下村等處每年收租穀二十一石正

一童生黃繼祖捐田八畝坐址藍田都十圖十名牛姆田大長坂等處共一十二坵租穀八石粃九五每石加一斗

一生員吳成鑑捐田三畝七分種六斗坐址產溪社塘凹門田二大坵共穀十石

一生員王玉金捐田三畝七分一釐三毫共田五十坵坐址店前岡上嶺子上並青潭矮湖子三坑口梅子樹下上節等處每年租穀一十六石現納租米四石

一增生黎摺廷黎錫球等捐田六畝坐址大樁社下村高車壩田每年收穀六石五斗

一李進榮捐田三畝五分坐址土名宮子角面前每年納租銀三兩三錢

案以上七柱田租向由學署管理自學官裁廢改歸縣立小學經管收租

一知縣張邦泰捐銀一百元置業爲鄉試卷費咸豐三年契買楊顯宇水頭洋蝦埕唇帶楊煥新戶田二

豐順縣志

卷六

建置

四

汕頭鎮字局梅縣分局承印

畝每年供租穀三石六斗

又咸豐五年七月買譚椿元糧質田坐址上林坑等處每年收租穀八石二斗

一邑紳丁制軍日昌商潮州鎮方耀撥銀三千元爲鵬湖書院經費買縣圩及隴隍二地五舖共一十四間每年收租銀二百餘元

一登瀛堂建築餘款二千餘元買潮州府城內瓦舖四間又買隴隍市瓦舖四間每年收租爲本堂祀費及鄉會試川資

一邑紳丁制軍日昌捐登瀛堂銀一千元買汕頭市行店四間每年收租爲邑士應南北鄉會試川資之助

一邑紳丁制軍日昌於咸豐十三年商潮州鎮方耀撥銀三千元買汕頭行店九間每年收租爲歲科試新進生員印金費

案以上五柱學產向由登瀛堂司事管理科舉廢後撥歸縣立小學校每年出埔湯園三屬輪值經理自設立縣中學改歸校長專管

(九) 公益

豐順衛生院在城北安墩嶺忠烈祠原鵬湖書院宇民國二十三年改設救濟院旋改爲平民醫院三十年復改今名經費由縣庫支給

平民醫院在湯坑墟民國二十八年成立三十年附設於第三區衛生分院三十一年八月奉令合併
福音醫院在湯坑墟光緒間英國長老會牧師設立

同濟醫院在普濟橋北畔黃家祠原設汕頭民國二十八年遷設於此經費由廣東省第五區行政專員
公署支給

湯坑善堂在湯坑墟光緒間由地方紳商捐建

慈祥善堂在隴隍墟原慈祥巷字民國二十一年善士黃展南倡設

同善堂一在湯坑墟一在龍溪社徑門墟均當地同善社善士倡建現徑門墟同善堂改建學校

純陽善社在黃花村口純陽古洞光緒二十五年知縣魏紹唐倡村衆建民國三十年冬重修

中山公園在城北安墩嶺原長壽宮故址民國二十年縣令張我東建

苗圃一在安墩嶺麓今廢一在雙溪合流處均民國二十年設

縣農場民國三十年縣長劉禹輪以舊縣署被敵機炸燬又遭洪水浸塌夷設爲縣農場

溫泉亭在城北豐溪北畔湯泉坎民國二十六年公建

中山紀念亭在安墩嶺華僑張鑑初獨資建築

和平紀念亭在普濟橋北民國二十一年縣令張我東建

樂育亭在隴隍球山民國二十二年駐防荷營長捐建二十九年爲敵機炸燬

豐順縣志

卷六

建置

五

汕頭鑄字局梅縣分局承印

曾公紀念亭在隴隍城北民國二十四年以駐防營長曾存三督勦匪及改建街市倡築義塚有功地方

由紳商公建

茶亭在燕子岩馬圖間新舊各一座

龍山亭在大田產溪下湯三社交界龍骨凹光緒六年地方公建兼施茶水

小住亭在大槌社箭竹凹豐梅孔道光緒九年建並建路店一間重修後改名景仰亭

羣蔭亭在龍溪歇涼樹下民國二十四年地方公建

大觀亭在龍溪十二排豐埔公路光緒十六年建民國初年重修

惠風亭在沙田鄉九根嶺潮梅通道咸豐八年商人方大爲建

暢風亭在沙田鄉爛河子潮梅通道光緒三十三年知縣單夢祥撥款建並施茶

清風亭在沙田鄉甲路坑潮梅通道光緒三十年水客陳燒山倡建

旗亭在沙田鄉旗墩岸凹梅埔豐通道光緒九年邑紳楊達中倡建

歸雲亭在沙田鄉黃花村口民國三十一年里人李介丞倡建亭前有放池

六角亭在穎川鄉石湖村民國三十一年廣東第五區專員李郁焜建

茅亭在黃花村石衙下民國二十九年遠威上將軍劉志陸倡李介丞建

李先生紀念亭在黃花村口民國三十一年門下士古揚志楊拱垣等數百人爲其先師李福田建

歌風亭在丹竹塔凹民國重建

李蹊亭在小勝鄉大埔通道李姓公建

望江亭在小勝鄉火燒岡通道李姓公衆建

黃葉亭在小勝鄉黃瓜地通道李姓衆建

南薰亭在小勝鄉穿龍凹大道李姓衆建

津亭在小勝鄉石狗西岸渡頭當地民衆捐建

東津亭在潭江鄉轉水韓江東岸渡頭民國二十二年建

西津亭在潭江鄉三坑韓江西岸渡頭光緒十五年商民陳源昌倡建

懷萱亭在埔頭鄉隔子頭民國三十一年湯坑警察所所長徐影三建

風雨亭

一在韓江合口西岸

一在黃金埠至鰲隍担竿凹

一在黃金埠至縣城分水凹

一在大田上林坑間老鴉凹

一在環清鄉黃陂角

豐順縣志

卷六

建置

六

汕頭鑄字局梅縣分局承印

一在美築塘至鰲隍路

一在黃洞至鰲隍蓮塘凹

一在九河至鰲隍鵝鵠凹

一在潘田至鰲隍木頭凹

一在潘田至鰲隍長嶺頭

一在產溪鄉嶂背風流門

一在圓成排南北兩岸各一座

一在黃金市通縣大路當梨岡

一在附松鄉油羅凹上下各一座

一在鵝鶯潭面

一在縣城湯坑通道拱橋

一在湯坑三門凹

一在紅獅宮豐揭交界

一在埔寨南界揭陽

(十) 義塚

一在城西北壩園宣統元年里人吳雙楊員倡建

一在產溪社白土村山中民國初善士何采芹倡建

一在隴墮上灣民國二十四年曾營長倡邑紳林史軒黃國賽建

案義塚始於宋元豐間陳向行部河南宿祠中夜半聞垣外洶洶若有人聲起燭之四望積骸蔽野皆貧無以葬者委骨於此卽具疏請斥官地數頃以葬之神宗卽日報可凡葬遺骸八萬餘有明踵而行之易其名曰義塚今則義塚遍鄉邑矣